


UNIVERSITÄT
MAGDEBURG

AB
50180






*

Hbl.

1. Rheyni J. Urbanus /
 zu Wittenberg 1530.

2. Braunschweig /
 von den Sacramente
 der Ewig und Ewiger
 Christi, Magdeburg 1532.





**Eyn vnüber
wintlich beschirm
büchlyn von haubt
artickeln / vnd fürnemlichē
Puncten der Göttlichen
Schrift / aus dem Alten
vnd Newen Testament
mit bewerten
beschluss
reden.**



**Benedictus Grezinger.
Wittenberg.**



Register dieses büchlyns.

- 1 Vom freyen willen.
- 2 Das niemand on sund sey.
- 3 Von vnmügligkheit der gepotten Gottes.
- 4 Warumb das gesez geben sey.
- 5 Vom glawben.
- 6 Warumb das gesez auffgehebt sey / vnd wie wyr daruon erlöst.
- 7 Von gnad / vnd gunst Gottes.
- 8 Vom Priesterthumb des newen Testaments.
- 9 Das alle Christen Priester sind.
- 10 Vom opffer des Christenlichen Priesterthumbs.
- 11 Das alle Christen schuldig sind fur eyinander zu bitten.
- 12 Das allen gebürt zu predigen.
- 13 Vom ampt der Pfarrer odder Bischoff.
- 14 Das nichts soll dem wort Gottes zu gelege werden / noch daruon genomen.
- 15 Von lere der menschen.
- 16 Von straff deren die nicht annehmen das wort Gottes.
- 17 Das der gantze geystliche hauff diener seyent.
- 18 Widder die lesterer der heyligen geschriff / die fur geben Christus sey alleyn fur die erbsund gestorben.
- 19 Von freyhent der speys vnd der tag.
- 20 Von anruffung der heyligen.

Heubt Artickel vnd fur:
nemlich puncten der Gött:
lichen geschriffte.

Von vnmugligkeyt des
menschen vnd freyen willen.

Beschlusred.

Syntemal alle ding geschehen nach
Göttlicher furschung / mag nicht seyn
freyheyte vnser willens.

Die geng des mans werden geschickt Pro. 20:
von dem HERRN / wenn wilcher
mensch mag vernehmen seyne weg?

Gott ist / der ynn euch wirckt / bey Phil. 2:
des / das wollen vnd das thun / darumb
das er eyn wolgefallen an euch hat.

Gott wirckt alle ding nach dem rath Ephe. 1:
seyne willens.

Wyr wissen / das das gesetzs geyst:
lich ist / ich byn aber fleyschlich vnder die Rom. 7:
sund verkauffte / den ich weys nicht was
ich thu / denn ich thu nicht was ich will /
sonder das ich hasse das thu ich.

Ich weys das ynn myr / das ist / ynn Rom. 17

A ij meynem

meynem fleysch / wonet nichts guts /
wollen hab ich wol / aber volbringē das
gutte / finde ich nicht / denn das gut das
ich will / thu ich nicht / sonder das böß
das ich nicht will / das thu ich.

Ro. 7.

Ich hab lust an Gottes gesetz nach
dem ynnwendigen menschen. Ich sihe
aber cyn ander gesetz ynn meynen gelis
dern das da widderstreyytet dem gesetz
ynn meynem gemüt / vnd mich gefangen
nympt ynn der sunden gesetz / wilches
ist ynn meynen gliedern / ich elender men
sch / wer wird mich erlösen von dem leyb
dieses todes ? Ich dancke Gott / durch
Ihesum Christum vnsern Herren.

1. Cor. 12.

Es sind mancherley gaben / aber es
ist eyn geyst / vnd es sind mancherley
empter / aber es ist eyn herr / vnd es sind
mancherley krefften / aber es ist eyn Got
der da wirckt allerley ynn yderman.
Ynn eynem iglichen erzeygen sich die ga
ben des geysts / zu gemeynen nutz zc.

2. Cor. 3.

Wyr sind nicht tüglich von vns sel
ber etwas zu gedencken / als von vns sel
ber / sonder das wyr etwas tügen / ist
von

von Gott.

Das fleysch gelüst widder den geyst **Gala. 5.**
vnd den geyst gelüst widder das fleysch.
Die selbigen sind widder eyntander / das
yhr nicht thut was yhr wöllent.

HERR ich weys das nicht ist des **Die. 10.**
mensche seyn weg / noch ist yhm gewalt
des mans / das er leyte seyne geng vnd
gehe. Darumb der prophet David zu **Psal. 16.**
Gott schreyt vñ bit. **HERR** leyte meine
geng ynn deynem steyg / auff das meyn
fusstapffen nicht werden bewegt.

Ich wird machen das yhr wandert
ynn meynen gepotten / vnd haltet meyn **Ezech.**
vrteyl. **36. vñ 11.**

Kaufft man nicht zween Sperrling **Mat. 10.**
vmb eynen pfennig? Noch felt der selbi-
ge keyner auff die erden on ewri vater.
Tu aber sind auch ewre har auff dem
heubt alle gezelt / darumb furcht euch ni-
cht / yhr seyt besser denn viel Sperrling.

Es ist myr alles vbergeben von meyn-
nem vater / vnd niemand weys / wer der **Lu. 10.**
son sey / denn nur der vater / noch wer **Mat. 11.**
der vater sey / denn nur der son / vnd wil-
chem

A ij

chem

chem es der son will offenbaren.

Joan. 3. Eyn mensch kan nichts nehmen / es
werd yhm denn geben vom hymel.

Joan. 6. Es kan niemand zu myr komen / es
sey denn das yhn zyehe der vater / der
mich gesandt hat.

Joan. 15. Gleych wie der rebe kan nicht frucht
bringen von yhm selber / er bleyb den am
weynstock / Also auch yhr nicht / yhr
bleybt denn ynn myr. Ich byn der weyn
stock / yhr seyt die reben. Wer ynn myr
bleybt vnd ich ynn yhm / der bringt viel
frucht / denn on mich kündt yhr nichts
thun.

Das niemand on sund sey.

Psal. 115.
Röm. 3. Gott ist warhafftig / vnd alle mensch
en lügenhafftig. Da ist nicht der re-
chtfertig sey / auch nicht eyner.

Psal. 14. Da ist nicht der verstendig sey / Da
ist nicht der nach Gott frage / sie sind al-
le abgewichē / vnd alle sampt vntüglich
worden / da ist nicht der gutes thu / auch
nicht eyner / Ihr schlund ist eyn offen
grab

grab / mit yhren zungen handlen sie trüg
lich.

Wyr sundigen allzu mal viel.

Es ist keyn mēsch der nicht sundige.

Jaco. 3.
3. Reg. 8.
1. Joann. 1.

So wyr sagen / wyr habē keyn sund /
verfuren wyr vns selbs / vnd die war-
heyt ist nicht ynn vns. So wyr aber vn-
sere sund bekennen / so ist Gott trew vnd
gerecht / das er vns nachlest die sund /
vnd reyniget vns von aller vngerechtig-
keyt. So wyr sagen / wyr haben nicht ge-
sundiget / so machen wyr yhn zum lüge-
ner / vnd seyn wort ist nicht ynn vns.

Niemand ist gut / denn nur der eyni-
ge Gott.

Abatt. 19
Adar. 10
Exo. 34.

HERR Herr Gott barmhertzig
vnd guedig vñ langmütig vnd von gro-
ßer gnad vnd trew der du gnad bewas-
rest ynn tausent gelid / vnd vergibst mis-
setat / vbertrettunge vnd funde / vnd fur
wilchem niemand vnschuldig ist.

Wilcher mag sagen / meyn hertz ist
reyn / vnd ich byn lauter von sunden.

Pro. 20.

Es ist keyner gerecht auff erdrich der
guts thu vnd nicht sundige. Wyr sind

Eccle. 7.
Esa. 64.

A iij all worden

all worden vnreyn / vnd als eyn besü-
let tuch eyner Francken frawen all vnser
gerechtigkeyt.

Mit aus-
schuldt
des ges-
setz / sons
der von
der blöde
natur we-
gen vn-
sers leibs

Von gepotten Gottes beschlusred.

Vnmüglich ist es zu erfüllen dem
menschen / aus eygner krafft die gepot
Gottes / damit wir vnsern eynigen trost
vnd hoffnung haben ynn die barmhertz-
igkeyt Gottes / das ist / ynn Christum /
der vns versünet hat mit Gott vnd er-
löst vom fluch des gesetzs.

Röm. 8.
fleysch-
lich gesin-
net seyn /
ist das
man nit
nach got
fragt / od-
er seyn
nit acht /
vñ nicht
darvon
helt.

Das dem gesetzs vnmüglich war (der-
halbē es auch durch das fleysch geschwe-
cht ward) das thet Gott / vnd sandt seyn
son ynn der gestalt des sundlichen fleys-
chs / vnd verdampft die sund ym fleysch
durch sund / auff das die gerechtickeyt
vom gesetzs erfordert / ynn vns erfüllt
würde / die wir nu nicht nach dem fleisch
wandern / sonder nach dem geyst / denen
die da fleyschlich sind / die sind fleysch-
lich gesynnet. Die aber geystlich sind /
die sind geystlich gesynnet / aber fleysch-
lich gesynnet

lich gesynnet seyn / ist der todt. Vnd
geystlich gesynnet seyn / ist leben vnd fri-
de / denn fleyschlich gesynnet seyn / ist
eyn feynschafft wider Gott / seyntemal
es dez gesetz Gotes nicht vnterthan ist /
denn es vermags auch nicht / die aber
fleyschlich sind mügē Gott nicht gefallē.

Was versucht yhr nu Gott / mit auff Act. 15.
legen des iochs auff der iünger hels / wil-
ches wider vnser vetter noch wyr haben
mügen tragen / sonder wyr gleubē durch
die gnad des **HERRN** Ihesu Christi
selig zu werdē / gleicheweys wie auch sie.

Hat euch nicht Moses das gesetz ge- Joan. 7
ben / vnd niemand vnter euch helt das
gesetze.

tu möchte eyner fragen / also / synte-
mal das gesetz zu erfüllen (aus eygener
krafft) vnmüglich ist warzu ist es denn ge-
ben / oder was nützt es vns? Antwort.

warumb das gesetz ge-
ben sey / vnd was es ynn vns
wirckt. **Beschlusred.**

Es ist wol war das das gesetz hey- Röm. 7.
A v lig/

lig/gerecht/vnd gut ist. Vnd vns ge-
ben/das wyr solten dadurch leben/vnd
Gott gefallen/aber syntemal vnser na-
tur (durch den fall Adams) so gar ge-
schwecht / das wyr nicht alleyn / nicht
mögen erfüllen/vnd vnterwürfflich seyn
den gepotten Gottes/sonder nicht guts
(mit lust vnd liebe/wie denn das gesetz
erfordert) aus eygner krafft mögen vol-
bringen/so wirckt es nicht ynn vns / dē
das es vns bringt zu erkentnis vnser
selbs/vnd vnser sund / vns zu schanden
macht/vnd an vns selbs leret verzwey-
feln/vnd alleyn eyn zuflucht haben / zu
der gnad vnd barmhertzickeyt Gottes/
durch Christum vns erworben.

Röm. 3.

Wyr wyssen aber das/was das ge-
setz sagt/das sagt es denen / die vnter
dem gesetz sind / auff das aller mund
verstopfft werde/vnd alle wellt sey Got
schuldig / Darumb das keyn mensch
durch des gesetz werck fur yhm rechtfer-
tig seyn mag / denn durch das gesetz
kompt nur erkentnis der sundt.

Röm. 7.

Die sind erkant ich nicht/on durchs
gesetz/

gesetz / denn ich wuste nichts von der
lust / wo das gesetz nicht het gesagt / las
dich nicht gelüsten.

Was soll das gesetz ? Es ist hyn zu
than / das der vbertretung mehr wurd /
bis der samen keme / dem die verheys-
sung geschehen ist. (Vnd bald hernach)
Wenn eyn gesetz geben were / das da
künd lebendig machen / so keme die ge-
rechtickeyt warhafftig von dem gesetz.
Aber die geschriff hats alles beschlos-
sen vnter die sünde / auff das die verhey-
ssung keme durch den glauben ynn Jhes-
sum Christum / gegeben denen die da
glauben.

Gala. 3.

Gott hats alles beschlossen vnter
dem vnglauben / auff das er sich aller er-
barne.

Röm. 11.

Nu möcht eyner sagen / was wiltu
denn dazu sagen / das Christus sagt.
Wiltu eynghehen zum leben / so halt die
gepot Gottes ? Auch Johan. 14. Wenn
yhr mich lieb habt / so haltent meyne ge-
pot / vnd der gleychen viel sprüch. Ant-
wort. Sie werden erfult durch den glau-
ben /

Eyn frag

ben/vnd das vertragen vnd zuuersicht
ynn die gnad Gottes / durch Christum
vns bewysen/vnd geht also zu / Wenn
vns gewissen durch das gesetz ver-
dampt/erschreckt/vnd gantz nyder ge-
schlagen ist/so es fordert das wyr nicht
mügen volbringen (Nemblich mit lust
vnd lieb die werck des gesetz verstrecken
frey on zwangt / als were keyn gesetz/
odder straff) so kompt Gott mit seyner
zusagung / vnd helt vns fur Christum/
sprechend. Sihe du armer sunder/der du
ewigklich verdammet vnd verflucht sol-
test seyn/ nach meynen strengen gerech-
tigkeyt. Nym war aus meynen grundlo-
sen barmhertzigkeyt / will ich fur dich
darstrecken Christum meyn son / ynn
den todt/das du habest das leben durch
yhn/vnd er dich erlös vom fluch des ge-
setz/vnd erfull es an deyner stad / alleyn
hab deyn vertragen vñ hoffnung gantz
ynn yhn / das ist/ ynn meyn Göttliche
gnad vnd barmhertzigkeyt/aus solchem
glauben vnd lebendiger zuuersicht auff
Gottes gnad/entspringt eyn eynprün-
stige

stige hertzliche liebe (als eyn fruchtbarer
barom aus eyner guten wurtzel) zu
Gott vnd deynen nehsten / die dich frö-
lich vnd lustig macht / durch die gnad
des heyligen geysts / ynn deynem hertzen
en / das du on allen zwangt / willig vnd
lustig wirst / yderman guts zu thun /
yderman zu dienen vergebens vnd vmb
sonst / wie dyr Gott vergebens gedienet
hat / auch allerley zu leyden / alleyn Gott
zu lob vnd ehr / der dyr so gnedig vnd
barmhertzig ist / Vnd so vnmüglich ist
es / gute werck vom glauben zu scheydē /
als vnmüglich es ist / hitz vom feur
scheyden / vnd also volgent dem barom **Mat. 7.**
die gute frucht / das du on allen zwangt
noch gesuch des lohns / frey / willig / vnd
mit lust / was das gesetz erfordert / ver-
streckest. Wie Paulus sagt. Das gesetz **.1. Tim. 1.**
ist nicht geben den gerechten / sonder den
gottlosen vnd vngerechten / als wolt er
sagen / die gerechten sind des gesetz nicht
notdürfftig / sonder der geyst ynn yhren
hertzen / erfüllet frey williglich / was
das gesetz erfordert zc. So aber eyner
aus

aus blödickeyt vnnnd schwacheyt des
Kampffs vntenleg / den der geyst Got-
tes allweg wird haben mit vnserm fleys-
sch / so lang wyr leben / vnd ynn sunden
viel / werdent yhm gnediglich verziehen /
vnnnd nicht gerechnet / von wegen des
glaubens vnd trawens ynn Christum.

1. Cor. 5. Wie Paulus sagt. Wyr habens alles
von Gott / der vns mit yhm selbs versün-
net hat durch Ihesum Christum / vnnnd
vns geben das ampt / das die versünung
prediget / denn Gott war ynn Christo
vnd versünnet die welt mit yhm selber /
vnd rechnet yhn yhre sund nicht zu / vñ
hat vnter vns auffgericht das wort der
versünung. Also auch Hieremias sagt.

Wie. 13. Ich werde gnedig seyn yhrer mishand-
lung / vnd yhrer sund nicht mehr geden-

Esai. 45. cken. Vnd Esaias. Ich byn / der ich aus-
tilg deyne mishanlung von meynet we-
gen / vnd deyner sund wird ich nymmer
mehr gedenccken. Darumb schreybt der
prophet David. Selig ist der / dem Gott
nicht rechnen wird seyne sund zc.

Don

Von dem glauben.

Es ist der glaub eyn gewisse zuversicht des / das zu hoffen ist / vnd richtet sich nach dem das nicht scheynet / das ist eyn starcke hoffnung / vnd bestendig gewissen der gerechtickeit / vnd des heyls.

Ich schem mich des Euangelions von Christo nicht / denn es ist eyn krafft Gottes / die da selig macht alle / die daran glauben / die Juden furnemlich vnd auch die Kriechen / syntemal darynnen geoffenbart wird die gerechtickeit die fur Gott gilt / wilche kompt aus glaubē ynn glauben / wie den geschriben steht. Der gerecht wird leben aus seynem glauben.

Tu ist on zuthuung des gesetzs / die gerechtickeit die fur Gott gillt / offenbar bezeugt durch das gesetzs vñ die propheten. Ich sag aber von solcher gerechtickeit fur Gott / die da kompt durch den glauben an Ihesum Christum zu allen / vnd auff alle die da glauben / denn es ist hie keyn vnterscheyd / sie sind alle sunder /

Ebre. 11.
Was der
glaub sey

Röm. 1.
Was ds
Euanges
lion sey /
das ist /
die frös
lich bots
schafft
Gottes

Abacuc
2.

Röm. 3.

sunder/vñ mangeln des preys den Gott
an yhnen haben solt / vnd werdent on
verdienst gerechtfertiget aus seyner
gnad / durch die erlösung / so durch Chri-
stum geschehen ist / wilchen Gott hat fur
gestellet zu eynem gnadenstuel / durch
den glauben ynn seynem blut.

Röm. 4.
Gen. 15.
Gala. 3.
Röm. 9.
1. Petri. 2

Abraham hat Gott gegleubt / vnd
das ist yhm zu der gerechtickeit gerech-
net.

Christus
ist die er-
fullung
des ges-
setzs.

Sihe / da ich leg ynn Sion eynen
steyn des anlauffens / vnd eyn fels der
ergernis. Vnd wer an yhn gleubet / der
soll nicht zu schanden werden. Lieben
brüder meyns hertzen wunsch ist vnd
bit auch Gott fur Israel / das sie selig
werden / denn ich geb yhn zeugnis / das
sie eyffern vmb Gott / aber mit vnuer-
stand / den sie erkennen die gerechtickeit
nicht die fur Gott gilt / vnd trachtent
yhre eygen gerechtickeit auff zurichten /
vnd sind also der gerechtickeit die fur
Gott gilt / nicht vnterthan / denn Chri-
stus ist des gesetzts endt / daran recht-
erfullung fertig wird / wer da gleubt.

Endt
heyst hie
erfullung

Wyr wissen

Wyr wissen das der mensch durch
die werck des gesetzs nicht rechtfertig **Gala. 2.**
wird / sonder durch den glauben an Ihe
sum Christum / so haben wyr auch an
Ihesum Christum geglaubt / auff das
wyr gerechtfertiget werden durch den
glauben an Ihesum Christum / vnd nis
cht durch die werck des gesetzs / darumb
wird durch die werck des gesetzs keyn
mensch gerechtfertiget.

Ich werff nicht hynwegk die gnad **Gala. 2.**
Gottes / denn so durch das gesetzs gerech
tigkeyt kompt / so ist Christus vergeb
lich gestorben.

Von diesem Ihesu zeugen alle pro **Act. 16.**
pheten / das durch seynen namen / alle
die an yhn glauben / vergebung der sunde
empfangen sollen.

Von den geschichten der Apostel **Act. 13.**
sagt Paulus. Es seynt nu kund euch lies
ben brüder / das euch verkündiget wird
vergebung der sünd durch diesen / vnd
von dem allem / durch welches yhr nicht
kündet ym gesetzs Mosis rechtfertig wer
den / wer aber an diesen glaubt der wird
B rechtfertig

rechtfertig.

Matt. 16 Gehet hyn ynn alle welt vnd predigt das Euangelion allen creatur. Wer da gleubt vñ taufft wird / der wird selig werden / wer aber nicht gleubt / der wird verdampt werden.

Pfal. 2. Selig sind alle die / die ynn yhn vertrauen.

Joan. 3.
Num. 21 Wie Moses ynn der wüste eyn schlangen son erhöhet / also mus des menschen son erhöhet werden / auff das / alle die an yhn gleuben / nicht verloren werden / sonder das ewig leben haben. Also hat Gott die welt geliebt / das er seynen eyngigen son gab / auff das alle die an yhn gleuben / nicht verloren werden / sonder das ewig leben haben / denn Gott seynen son nicht gesandt hat ynn die welt / das er die welt richte / sonder das die welt durch yhn selig werd / wer an yhn gleubt der wird nicht gericht / wer aber nicht gleubt der ist schon gericht / denn er gleubt nicht an den namen des eyngibornen son Gottes.

Joan. 3. Der vater hat den son lieb / vnd hat yhn

yhm alles ynn seyn hand geben / wer an
den son gleubt / der hat das ewig leben /
wer dem son nicht gleubt / der wird das
leben nicht sehen / sondern der zorn Got
tes bleybt vber yhm.

In den geschichten der Apostel fra Act. 16.
gt der kercker meyster Paulum vnd Si
lam. Liebe herrn / was soll ich thun / das
ich selig werd? Sie sprachē gleub an den
HERRN Ihesum / so wirstu vnd deyn
hausgesind selig. **Beschlusred.**

Alle ertzueiter vund allten sind selig
worden alleyn durch den glauben / als
auch wyr / als geschrieben steht am buch
der geschöpff. Abraham hat Got glenbt
vnd es ist yhm gerechnet worden zur ge
rechtfertigung / wie auch Hieremias
sagt. HERR deyne augen sehen alleyn
an den glauben. Vnd Esaias. So yhr
nicht gleubet / so werdet yhr nicht bley
ben / sondern zu grund gehen. Wie wol
yhr hoffnung gestanden ist ynn den zu
künfftigen Christum / vund die vnsern
den der schon vor ist zc.

Was versuchet yhr Gott / mit auff Act. 15.
B ij legen

Von ert
uettern
vñ alte
des alte
Testa
ments.
Gen. 15.
Hiere. 5
Esai. 7

legen des iochs auff der iünger hels / wel
chs widder vnser veter noch wyr haben
mögen tragen / sonderit wyr glauben
durch die gnad Ihesu Christi selig zu
werden / gleycherweys wie auch sie.

Cor. 10.

Vnser veter habē alle eynerley geyst
liche speys gessen / vnd haben alle eyner
ley geystlichen tranck getruncken / sie
truncken aber von dem geystlichen fels
der hernach kam / wülcher fels war Chri
stus / das ist / sie haben eben den glauben
gehabt ynn Christum / den wyr haben.

warumb das gesetz auff
gehaben sey / vnd wie wyr dar
von erlöset sind.

Die erst beschlusred.

Cor. 1.

Ursach des gesetz auffhebung / ist
die vnmöglichkeit / das es niemand hat
mögen erfüllen.

Ebre. 7.

Es geschicht darmit eyn auffhebung
des vorigen gesetzes / vmb seyner schwach
heyt vnd vnnutz willen / denn das ge
setz hat nichts volendet / vnd wird eyn
eynführung eyner besserer hoffnung /
durch

durch welche wir zu Gott nahent.

Sagent / es komen die tag / spricht der **HERR** / das ich vber das haus Israel / vnd vber das haus Juda / eyn new Testament vollenden will / nicht nach dem testament das ich gemacht hab mit yhren veteren / an dem tag / da ich yhre hand ergreyff sie aus zufüren aus dem land Egypti / denn sie sind nicht blieben ynn meyнем testament / vnd ich hab sie auch aus der acht gelassen / spricht der **HERR** / denn das ist das testament / das ich machē will dem haus Israel. Nach diesen tagen spricht der **HERR** / Ich will geben meyn gesetz ynn yhren synne / vñ yhr hertz will ich schreyben / vnd will yhn eyn Gott seyn / vnd sie sollen myr eyn volck seyn / vnd soll nicht leren yemand seynen nehsten / vñ yemand seynen bruder / vñ sagen / er kenne den **HERRN** / denn sie sollen mich alle kennen von dem kleynsten an bis zum gröfsten. Denn ich will gnedig seyn yhrer vngerechtigeyt vnd yhren sündē / vnd yhrer vngerechtigeyt will ich nicht

B ij mehr

Hiere. 3
Ebre. 8.

Warth
dz gesetz
auff geh
ben sey.
Nemlich
dz sie es
nicht ha
ben mü
gen vol
strecken.

mehr gedencken.

Die ander beschlusred.

Christus hat vns erlöset vom gesetz/
nicht das wir es nicht haltē sollen / syn
temal vns durch den glauben / der geyst
Gottes geben wird / der frey willig thut
was das gesetz erfordert / sondern allein
von dem fluch des gesetz / das ist / so wir
es aus blödigkeyt vbertretten / so mag
Cor. 1. es vns ynn keynen weg anklagen vnd
verdammnen / so wir eyn festen glauben
ynn Christum haben / wilcher vns ge-
macht ist von Gott / zur weysheyte / vnd
zur gerechtickeyte / vnd zur heyligung /
vnd zur erlösung / auff das (wie geschrie-
ben steht) wer sich rhümet der rhüme
sich des **HERRN**. 1. Cor. 1.

1. Thiere. 19 Christus hat vns erlöset von der ver-
1. Mala. 5. maledeyung des gesetz / da er ward eyn
Leut. 21. vermaledeyung für vns (denn es steht
geschrieben. Verflucht ist bey Gott der
da hanget auff das du deyn landt nicht
verunreynigest / das dyr der **HERR**
deyn Gott gibt zum erbe.

1. Mala. 3. Das gesetz ist vnser zuchtmeyster ge-
wesen

wesen auff Christum / das wir durch
den glauben rechtfertig würden. Nun
aber der glaub komen ist / sind wir nicht
mehr vnter dem zuchtmeyster / denn yhr
seyt alle Gottes kinder / durch den glau-
ben an Christo Ihesu / denn wie viel er-
taufft sind / die haben Christum angezo-
gen / hie ist keyn Jüd noch Kriecher / hie
ist keyn knecht noch freyer / hie ist keyn
man noch weyb / denn yhr seyt allzumal
eyner ynn Christo Ihesu. Seyd yhr aber
Christi / so seyd yhr yha Abrahams sa-
men / vnd nach der verheyssung erben.

Da die zeyt erfüllt ward / fand Gott
seynen son / der da geporn ist von eynem
weyb / vnd vnter das gesetz gethan / auff
das er die / so vnter dem gesetz waren /
erlöset / das wir die kindschafft empfi-
gen / weyl yhr denn kinder seyt / hat Got
gesandt seynen geyst ynn ewer hertzen /
der schreyt / Abba / lieber vater / also ist
nu hie keyn knecht mehr / sondern eyttel
kinder / sinds aber kinder / so sind sie auch
erben Gottes / durch Christum.

Die sünd wird nicht herschen kün. Röm. 6.

B iij nen

Die fals
le. Adū s
ch / Kons
nen / Pfaf
fen / vñ al
le secten
vñ rottē.
Gala. 4.

nen vber euch / syntemal yhr nicht seydt
vnter dem gesetzs / Sondern vnter der
gnad. Wie denn? sollen wir sündigen/
die weyl wir nicht vnter dem gesetzs/
sondern vnter der gnad seynd? das sey
fern von vns / wisset yhr nicht / wilchen
yhr euch begeben zu knechten ynn gehor-
sam / des knecht seyt vhr dem yhr gehor-
sam seyt. Lieben brüder yhr seyt zur frey-
heydt beruffen / alleyn sehet zu / das yhr
die freyheydt nicht last dem fleysch eyn
rhum werden / sondern durch die lieb
diene eyner dem andern / denn alle gesetzs
werden ynn einē wort erfüllet / ynn dem.
Hab deynen nechsten lieb als dich selbs.

Von der gnad vnd gunst Gottes.

Die erst beschlusred.

Die gnad vnd gunst Gottes / ist eyn
frey geschenck / die da entspringet aus
lauter barmhertzigeyt Gottes / vñ nicht
eyn belonung der werck. Daher die gott-
losen reden vñ yren / die sagen / das
wir vns durch werck sollen zu der gnad
bereyten /

bereyten / vnd die selbig erlangen.

Es sind etliche Juden vber blieben nach der wal der gnaden / vnd sind zu diser zeyt selig worden / Ist aber aus gnaden geschehen / so ist das verdienst nichts / sonst würde gnad nicht gnad seyn. Aus gnad seyd yhr selig worden / durch den glauben / vnd das nicht aus euch. Es ist Gottes gabe / nicht aus den wercken / auff das sich nicht yemad rhüme.

Ich byn der anfang vnd das ende. Ich will dem dürstigen geben von dem brunnen des lebendigen wassers vmbsonst.

Wer dürstet der kom / vñ wer da will der neme das wasser des lebēs vmbsonst

Da erscheyn die frundtlickeyt vnd holdselickeyt Gottes vnser heylands nicht vmb der werck willen der gerechtickeyt / die wyr gethan hetten / sondern nach seyner barmhertzigkeyt / machet er vns selig / durch das bad der widder geburt vñ ernewerung des heyligē geysts / welchen er ausgossen hat vber vns reichlich / durch Ihesum Christum vnser selig

B v ligmacher

Röm. 11.
So gnad durch die werck kes me / so wer es nicht gnad

Ephe. 2.
Apoc. 21.

Apocal.
am letzte
Zum Ti
to am les
zten.

lignacher / auff das wir durch desselben gnad gerechtfertiget / erben sind des ewigen lebens nach der hoffnung / das ist yhe gewislich war.

Matt. 10 Ihr habts vergebens empfangen / vergebens gebts widder.

Esa. 55. All yhr dürstigen kompt zu den wasfern / Vnd die yhr nicht habt das sylber / nahent euch herzu / kaufft vnd esst / kommet vnd kufft on sylber / vnd on alle wechslung weyn vnd milch.

Act. 8. Da Simon sahe / das durch aufflegen der Apostel / der heylig geyst gegeben ward / bodt er yhnen gelt an / vñ sprach / Gebt myr auch die macht / das / so ich yemand die hand auff lege / der selb den heyligen geyst empfahe . Petrus aber sprach zu yhm / das du verdampft werdest mit deynem gelt / das du meynest / Gottes gabe werdt durchs gelt erlangt / du wirst widder teyl noch anfal haben an diesem wort / denn deyn hertz ist nicht auffrichtig fur Gott / Darumb thu bus für diese deyne bosheyt / vnd bit Gott ob dyr vergeben werden möchte
der

der rüch deynes hertzen / denn ich sehe /
das du bist vol bitter galle / vnnnd ver-
knüpffst mit vngerechtigeyt zc.

Die ander beschlusred.

So vns nu Gott gnedig / günstig /
vnd barmhertzig ist / gibt er vns ynn vn-
sere hertzen seyn geyst / der denn durch
vns wirckt alle gute werck / als durch
eyn werckzeugt / daher sich niemand sey-
ner guten werck rhümen soll / denn sie
nicht seyn sind / sondern des geysts Got-
tes / wie Paulus sagt. Was hastu das
du nicht hast empfangen / so du es aber
empfangen hast / was rhümestu dich als
der es nicht hettest empfangen / Aber er
soll Gott lob vnd dancksagen / der sol-
lich werck durch yhn gewirckt hat.

1. Cor. 4.

Myr sind Gottes gehülffen / yhr seyd
Gottes ackerwerck / vñ Gottes gebew.
Ich von Gottes gnaden / die myr gege-
ben ist / hab den grund gelegt / als eyn
weyser bawmeyster.

1. Cor. 3.

Von Gottes gnaden byn ich das ich
byn. Vnd seyn gnad an myr / ist nicht
vergeblich gewesen / sondern ich hab
viel

1. Cor. 15.

viel mehr gearbeytet denn sie alle / nicht
aber ich / sondern Gottes gnade die bey
myr ist.

1. Cor. 3. Wyr sind nicht tiglich von vns sel-
ber etwas zu gedencfen / als von vns sel-
ber / sondern das wyr etwas tügen / ist
von Gott / wilcher vns tiglich gemacht
hat.

Ezech.
36. Ich will verschaffen / das yhr ynn
meynen gebotten wandert / vnd meyne
vrteyl behaltet / vnd sie volbringet.

Joan. 15. On mich müget yhr nichts thun.
Esa. 26. **HERR** du wirst vns geben den frid /
wenn du hast vns all vnser werck ge-
wirckt.

Obeictio
1. Cor. 3. Tu möcht eyner fragen / warumb
werden denn die werck vast ynn der ge-
schriff genent vnser werck? Wie Paulus
sagt. Eyn iglicher wird empfahen
seyen belonung nach mas seyner arbeyt.

Antwort Gibt antwort Ambrosius vnd sagt / das
Gott so barmhertzig vñ gnedig sey / das
er die werck acht die er durch seyn geyst
ynn vns gewirckt hat / fur vnser / vnd
krönd sie ynn vns / als vnser / den er vns
alle

alle d̄ing geschenck̄t v̄nd geben hat / mit
seynem sohn Ihesu Christo / v̄nd vns er-
ben gemacht deren ewigē güetern. Was
wollen wir nu hiezu sagen? Ist Gott für
vns / wer mag widder vns seyn / wilcher
anch seynem eygenen sohn nicht hat ver-
schonet / sondern hat yhn für vns alle
dahyn geben / wie solt er vns mit yhm
nicht alles schencken?

Röm. 8.

Es ist alles ewer / es sey Paulus oder
Apollo / es sey Cephas odder die welt /
Es sey das leben odder der todt / es sey
das gegenwertig odder das zukünfftig /
alles ist ewer / yhr aber seyt Christi / Chri-
stus aber ist Gottes.

.i. Cor. 3.

Von dem Priesterthum des neuen Testaments.

Beschlusred.

Syntemal alle kinder des neuen Tes-
taments / zu Priestern durch Christum
gemacht sind / so ist kundtbar / das yh-
nen das Priesterlich ampt allen gemeyn
ist / Nemlich Gott auff opffern / für eyn
ander zu bitten / v̄nd eyner den andern
lernen

Officius
sacerdos
tis.

Ebre. 5. lernen das wort Gottes. Aber wie wol sie alle gleych macht haben zu verkündē das wort Gottes / wird doch dasselbige ampt zu vertrettē etlichen befolhen / damit man hab / die eygentlich wissen / das yhn das ampt zuhörig sey / auff das sich nicht eyner auff den andern verlas / vnd
1. Cor. 14 das volck verseumbt werd / vnd auch
Episcopi keyn ordnung erhalten werd. Vnd die also erwelt werden nennet die geschriffte Bischoff / wechter / auffseher auff's volck / diener des wort Gottes.

Das alle Christen Priester sind.

1. Petri. 2 Ihr seyt das auserwelt geschlecht /
Alle christen solle das königlich priesterthumb / das heylige volck / das volck des eygenthumbs /
verkündē das yhr verkündigen solt / die tugent
die gutthatten des der euch beruffen hat / von der finsternis zu seynem wunderbaren liecht.
Christi.
Pro. 19.

So yhr werdet meynen stym gehorchen vnd meynen bundt halten / so solt yhr meyn eygenthumb seyn fur allen volckern / denn die gantz erdt ist meyn / vnd
yhr

Yhr solt nur eyn priesterlich Königreich
vnd eyn heylig volck seyn.

Christus hat vns geliebt / vnd gewa- Apo. 16
schen von den sünden mit seynem blut /
vnd hat vns zu Königen vnd Priestern
gemacht fur Gott vnd seynem Vater /
dem selbigē sey preys vnd ehr von ewig
Keyt zu ewigkēyt.

Du bist würdig zu nehmen das buch Apo. 5.
vnd auff zuthun seyne sigel / denn du bist vnd 20.
erwürgeret / vñ hast vns erkauft mit dey-
nem blut aus allerley geschlecht vñ zün-
gen / vnd völkern vnd nation / vnd hast
vns Gott gemacht zu König vnd Prie-
ster / vnd werden regiren auff erden.

Yhr werdet genent Priester des H. E. Esa. 61.
XXVI vnd diener vnsers Gottes.

Nom opffer des Chri-
stenlichen Priesterthumbs / das allen
Christen gemeyn ist / syntemal sie alle
Priester sind durch Christum.

Das erste vnd furnemlichst opffer ist
das opffer vnsers leybs / das wir yhm
opffern zu eynem lebendigen opffer /
das ist

Werck Das ist / vns enthalten von den begyr-
des fleys den des fleyschs vnd seyner werck / vnd
schs sind tödten den alten Adam / vnd seyne ge-
alle sind schöpff mit dem geyst Gottes.

Sacrifi-
cium ius-
titie.

Sacrifi-
cium lau-
dis.

Darnach entspringt darvon (als eyn
süßer rauch von diesem verbrenten op-
ffer) das opffer der gerechtickeit / vnd
des lobes. Nemlich das wir Gott gere-
cht machen / loben vnd preysen / als von
dem alle vnser gerechtickeit flies vnd
kom / vns selbs als sunder anklagen / vñ
würdig achten aller trübsall die wir ley-
den / Vnd also sprechen mit dem David.

Psal. 118.

HER du bist gerecht / vnd deyn ge-
richt ist richtig. Vnd mit dem Daniel.

Dani. 2.

Alle ding die du hast vber vns gefurt /
vnd was du mit vns gehandelt hast /
das ist geschehen ynn eyn warhafftige
vrteyl (Vnd hernach) Wir sollen auff
genomen werden ynn eynen betrüben
seel vnd ym geyst der demütigkeyt / als
ynn eyn verbrenten opffer / der Wider
vnd Stier / vñ als ynn tausenten feyster
lemmer / also werdt vnser opffer heut fur
deynem angesicht / vñ das es dyr gefall /
wenn

die schand ist nicht deren / die yhr ver-
trawen ynn dich setzen.

Ich ermane euch lieben brüder / durch
die barmhertzigkeit Gottes / das yhr
ewre leyb begeben zum opffer das leben
dig / heylig / vnd Gott wolgefellig ist /
wüches ist ewre vernünfftiger Gottes
dienst / vnd stelt euch nit gleych diese
welt / sonder last euch verendern durch
vernewerung ewers synnes / auff das
yhr prüffen mügt / wüches da sey der
gut / der wolgefellig / vnd der volkomen
Gottes will.

Röm. 12.
Eccle. 35.

Es ist eyn heylsam opffer / acht habē
auff die gepot Gottes vñ weychen von
aller missethat / vnd erlangen gnad vber
die vngerechtigeyt / vnd bittung für die
sünd / ist weychen von der vngerechtig-
ckeyt.

Opffert rechte opffer vnd hoffent
auff den **HERREN**.

Psal. 4.
Sacrifici-
um iustis-
tic.
Sacrifici-
um laus
dis.

Das opffer des lobes ehret mich vñ
das ist der weg / da ich yhm anzeyg das
heyl Gottes.

Du hast zerrissen meyne bandt / ich
C wird

- Pfal. 115.** wird dyr opffer das opffer des lobes / vñ
Ebre. 13. wird anruffen den namen des H. KRIST.
 Last vns opffern durch Christum.
 Das opffer des lobes Gott allezeit / das
 ist die frucht der lefftzen / die seynen na-
 men bekennen.
- Matth. 6.** Das ander ampt des Priesters / ist
 fur eynander zubitten / das auch allen
 Christen gemeyn ist / vnd sie all fur eyn-
 ander (durch Christum) zu bittē schuldig
 sind / das aus dem Vater vnser klar ist.
- 1. Tim. 2.** Ich ermane / das man vor allen din-
 gen zu erst thu bitte / gebet / furbit / vñ
 dancksagung fur alle menschen zc.
- Jacobi
vñimo.** Bitte eyner fur den andern / das yhr
 selig werdet.
- Matth. 5.** Liebet ewere feynd. Benedeyet die
 euch maledicien / thut wol denen die euch
 hassen. Bittet fur die / so euch beleydigē
 vñ verfolgen / auff das yhr kinder seyt
 ewers vaters ym hymel.
- 1. Reg. 12.** Das drit ampt / die andern leren das
 wort Gottes (wie Samuel sagt. Die
 sind sey weyt von myr / das ich auffhör
 fur euch zu bitten / vñ euch leren den
 rechten

rechten weg / vnd den guten) das denn
auch allen Christen zu erstatten gebürt /
eyner den andern zu vnterrichten vnd er
manen der gutthaten Christi.

Ihr seyt das auserwelt geschlecht / **.i. Pet. 2.**
das Königlich priesterthumb / das heylig
volck / das volck des eygenthumbs /
das yhr verkündigen solt die tugent des
der euch beruffen hat / von der finsternis
zu seynem wunderbarn liecht.

Lieber brüder / so eyn mensch ynn ey- **Gala. 6.**
nem fall vbereylet würd / so vnterweyset
yhn mit sensstnütigem geyst / die yhr
den geyst Gottes haben zc.

Last keyn faul geschwetz aus ewrem **Ephe. 4.**
mund gehen / sondern was nützlich zur
besserung ist / da es not thut / das es
holdselig sey zu hören.

Ermanet euch vntereynander / vnd **.i. Thess.**
bawe eyner den andern. (Vnd bald her **ultimo.**
nach) Wyr ermanen euch lieben brüder /
ermanet die ungezognē / tröstet die klein
mütigen / vertragenet die schwachen / vnd
seyd gedultig gegen yederman.

C ij Von

Von zugehorung der
ren die das ampt zu vertreten
ten erwelt werden.

Beschlusred.

Aller Bischoff/wechter vnd auffseher des volcks/oder Priester (wie mans nennen will) furnemlich ampt ist/alleyn das reyn Gottes wort verkündigen/ des diener sie genant werden / wilchem nichts zu gethan noch darvon genomen werden soll.

Mat. 16. Gehet hyn ynn alle welt / vnd predigt das Euangelion aller creatur. Wer da gleubt vnd taufft wird / der wird selig werden / wer aber nicht gleubt / der wird verdampt werden.

Esai. 3. Ich werd euch geben hyrten nach meynem hertzen / die werden euch weyden mit erkentnis vnd lere.

Titum. 1. Derhalben lies ich dich zu Crete / das du soltest vollent anrichten / da ichs gelassen hab / vnd besetzen die stet hyn vñ her mit eltesten / wie ich dyr verordnet hab / wo eyner ist vnstreflich / eynes weibes man /

bes man / der glaubige kinder hab nicht
berüchtiget mit schwelgerey odder vnge
horsame / denn eyn Bischoff soll vntad
lich seyn / als eyn haushalter Gottes /
nichts hohes von yhm selbs halten / nit
zornig / nit weynsüchtig / nit heffig / nit
schendtlichs gewins gyrig / sonder gast
frey / güttig / züchtig / gerecht / heylig /
keusch / Vnd halt ob dem gewissen wort
der lere / auff das er mechtig sey / zuerma
nen durch die heylsame lere / vnd zu straf
fen die widder sprecher.

Du menschen kind / ich hab dich zu ey
nem wechter gesetzt vber das haus I
srael / vnd solt hören was ich dyr sag vñ
das selbig von myr yhm verkünden /
Wen ich zu dem gottlosen sage / Du solt
des todts sterben / vñd verkündest es
yhm nicht / vnd sagest es yhm nicht / das
er sich bekere von seynem bösen weg vnd
lebe / so wird wol der selb gotlos sterben
ynn seynen sünden. Aber seyn blut will
ich von dyr fodern. So du es aber yhm
verkündest / vñ er bekeret sich nicht von
seynen sünden noch von seynem bösen
wege /

Ezech. 36

vnd. 33.

Die Bi
schoff sol
ten das:
lautter
Gottes
wort pre
digen als
gieng es
aus dem
munde
des Herz
ren.

wege / so wird er sterben ynn seynen sünden / aber du hast deyn seel erlöset.

Esa. 58. Schrey vnd hör nit auff / vnd als eyn Posaun erhöhe deyn stym / vnd verkündige meinem volck yhre laster / vnd dem haus Jacob seyne sunde.

Act. 6. In den tagen aber / do sich die Jünger mereten / erhob sich eyn murmel vnter den Kriechen / widder die Hebreer / darumb das yhre witwen vbersehen würdē ynn teglicher handreichung. Do rufften die zwelff / die menge der iunger zusamē vñ sprachen / Es taug nicht dz wir das wort Gottes vnterlassen vnd dem tisch dienen. Darumb liebē brüder besehet vnter euch sieben menner / die da berümbt sind / das sie vol heyligs geysts vñ weysheyt seyn / wilche wir bestellen mügē zu diser noturfft / Wir aber wöllen anhaltē an gebet vñ an ampt des wort Gotes / vñ die red gesiele der gantzē menge wol.

Die ander beschlusrede.

Es zimpt sich nit dem wort Gottes zu zulegē / noch dauon zu nemen / sonder es sol lauter vñ reyn fur gehalten werden.

Nich

Mich wundert das yhr euch so bald **Gala. 1.**
abwenden lasset / von dem der euch be-
ruffet hat durch die gnad Christi / auff
eyn ander Euangelion / so doch keyn an-
ders ist / on das ettlich sind die euch ver-
wirren / vñ wollen das Euangelion Chri-
sti verkeren. Aber so auch wyr / odder eyn
Engel von hymel euch wurde predigen /
anders dan das wyr euch predigt habē /
das sey verflucht / wie wyr itzt gesagt ha-
ben / also sagen wyr euch abermal. So ye-
mand euch predigt anders denn das yhr
empfangen habt / das sey verflucht.

So yemand anders leret / vnd nit zu **1. Tim. 6**
felt den heylsamen Worten vnsers Her-
ren Ihesu Christi / vnd lere der Gottseli-
ckeyt / der ist auff geblasen vnd weys nis-
chts / sonder ist seuchtig ynn fragen vnd
wort kriegen / aus wilchem entspringet
hass / hadder / lesterung / böser arckwon /
schulgezencf / solcher menschen die zerrüt-
tent synn haben / vnd der warheyt be-
raube sind / die da meynen Gottseligkē
sey vmbgenies wille / thu dich von solchē

Ich ermane euch lieben brüder / das **Ro. vltio**
C iij yhr

Das ist yhr auff sehent / auff Sie / die zertren-
wider al nung vnd ergernis anrichten neben der
lerley mē nung vnd ergernis anrichten neben der
schen lez lere die yhr gelernet habt / vnd weicht
re gesagt von den selben / denn solche dienen nicht
dem **HERRN** Ihesu Christo / sondern
yhrem bauch. Vnd durch süsse predig vñ
prechtige wort / verführen sie / die vnschul-
digen hertzen.

Mat. 17. Das ist meyn geliebter son / ynn dem
Mat. 9. ich ein wolgefallē hab / den selbigē hōret.

2. Joh. 1. Wer vbertrit vnd bleybt nicht ynn
der lere Christi / der hat keynen Gott.
Wer ynn der lere Christi bleybt / der hat
beyde / den vater vñ den son. So yemant
zu euch kompt vnd bringt diese lere mit /
den nemet nit zu haus / vnd grūffet yhn
auch nit / denn wer yhn grūst / der hat ge-
meynschaft mit seyner bösen wercken.

Deut. 4. Tu hōre Israel die sitten vnd rechte
die ich euch lere das yhr thun solt / auff
das yhr lebt vnd hyneyn kompt vñ das
landt eynnempt / das euch der **HERR**
ewer vetter Gott gibt / yhr solt nit dazu
thun das ich euch gebiet / vnd solt auch
nicht dauon thun auff das yhr behaltet
die gepot

die gepot des **HERREN** ewres Got-
tes / die ich euch gepiet.

Die Gottes dienst / die ich dyr gebent **Deut. 12**
die selbigen thu dem **HERREN** / vnd
thu nichts dazu / noch minder sie.

Ich wird geheyliget ynn denen die **Leui. 10**
myr zunehmen / das ist / ich hab keyn ge-
fallen an dem das ich nit gepoten hab.

Es sol keyner thun was yhn gut ge- **Deut. 12**
dunckt.

Alle wort Gottes sind durchfewret **Prou. 30**
vnd eyn schildt allen die darauff sich ver-
trosten / setze nit zu seynen Worten auff
das er dich nit straff / vnd werdest lü-
genhassig erfunden.

Die dritt beschlusrede.

Syntental all Bischoff vnd Priester
diener vnd botten Gottes sind / gebürt
yhn nicht von yhn selbs zureden / sonder
alleyn den willen verkünden / des der sie
gesandt hat.

Die lefftzen des Priesters behütet die **Abala. 2**
weysheyt / vnd sey erfordern das gesetz
aus seynem mund / denn er ist eyn bot
des **HERREN** der heer.

C v Moser

Leui. 12.
Deut. 1.

Moses hat verkündet den Kindern
Israel alles was yhm Gott gebottē hat

Joan. 7.
Joan 12.

Mejn lere ist nit mejn / sonder des /
der mich gesandt hat / so yemand will
des willen thun / der wird ynnen wer-
den / ob diese lere von Gott sey / odder
ob ich von myr selbs red. Wer von yhm
selbs redet / der sucht seyn eygen preys.
Wer aber sucht den preys / des / der yhm
gesandt hat / der ist warhafftig / vnd ist
keyn vngerechtigeyt an yhm.

Joan. 3.
Niere. 7

Welchen Gott gesandt hat / der redt
die wort Gottes.

Johan. 8

Der mich gesandt hat / der ist war-
hafftig / vnd was ich von yhm gehört
hab das redt ich ynn der welt.

Non menschen lere

zu meyden.

Esaie 29

Der **HERR** hat gesagt / darumb
das sich das volck herzu nahet / mit
seym mund / vnd ehret mich mit seynen
lippen / aber seyn hertz ist fern von myr /
vnd sie haben mich gefurcht ynn den ge-
botten vnd leren der menschen. Darumb

sibe /

sihe/ich wird verschaffen / das sich das
volck wird verwundern / mit eynem gro-
sen wunder vnd erschrecklichen / wan
die weysheyt wirt verderben von seyn-
nen weysen / vnd der verstand seyner ver-
nufftigen wird geborgen.

Ihr heuchler / es hat wol Esaias von Mat. 5
euch weysagt / vñ gesprochen / Dis volck
nahet sich herzu mit seynē mund / vñ eh-
ret mich mit seynen lippē / aber yhr hertz
ist fern von myr / die weyl sie leren solche
lere / die nichts den menschen gebot sind.

Sehet zu das euch nicht widderfare Col. 2
eyn raub durch die Philosophia vnd vn-
nütze verfürunge / nach der menschen
satzungen / vnd nit nach Christo.

Vnd bald hernach.

So last nu niemand euch gewissen
machen vber speys oder vber tranck / od-
der vber eyns teyls tagen / nemlich den
seyertagen / oder new monat / oder saba-
ter / wilchs ist der schattē / von dem das
zukünfftig war / aber der körper selbs ist
ynn Christo. Last euch niemant das zill
verrucken / der nach eygener wal eynher
gehet /

gehet / ynn demut vnd geystlickeyt der
Engel / des er nie keyns gesehen hat /
vmb sonst auffgeblasen yn seynem fleisch
lichen syn / vnd helt sich nicht an dem
heubt / aus wilchem der gantz leyb /
durch gelencf vnd fügen hantreychung
empfabet vnd aneynander sich enthelt /
vnd also wechst zur größe / die Gott
gibt. So yhr dem seyt gestorbe mit Chri
sto / von den weltlichen satzungē / Was
last yhr euch denn fahen mit satzungen
als yhr weret lebendig? die da sagen / Du
solt das nit anrüren. Du solt das nit es
sen noch trincken. Du solt das nit anle
gen / wilches sich doch alles vnterhandē
verzeret / vnd ist noch gebot vnd leren
der menschen. Wilche haben wol eynt
scheyn der weysheit / durch selbs erwelte
geystligkeyt vnd demut / vnd durch das
sie des leybs nicht verschonen / vnd an
das fleysch keyn kost wenden zu seyner
nottürfft.

Derckz
it alle
Dünch /
nonnē /
n Pfafz
n.
Titum. 11

Lere sie das sie nicht achten auff Jü
dische fabeln / vnd menschen gebot / die
abwenden die warheyte.

Es werden

Es werden falsch lerer vnter euch **Ko. 2. Pe. 26**
men / die neben eynfuren Secten der ver-
damnis / vnd den **HERRN** der sie er-
kaufft hat verleugnen / durch wilche der
weg der warheyt wird verlestert werden
vnd mit erdichten Worten durch geytz
werden sie vmb euch handtirn.

Hütet euch fur dem sawer deyge der **Mat. 16**
Phariseer vnd Saduceer / das ist / vor
yhrer lere / wie denn der text hernach
selbs auslegt.

Do Christus anzeygt den Jüngern **Mat. 8.**
seyen zukünfftig leyden / fur yhn Petrus
an / vnd sprach. **HERR** schon deyt
selbs / das dyr nur nicht widerfare. Aber
er wandt sich vmb vnd sprach zu Petro.
Heb dich Sathan von myr / du bist myr
ergerlich / den du meynest nicht das göt-
lich / sondern das menschlich ist. Sie ver-
wirfft Christus alle menschen vñ vrteylt
gut geduncken / das nicht kompt aus
dem geyst Gottes.

Das sagt der Herr der heer / yhr sollet **Mic. 2:**
nicht hören die wort der Propheten die
euch weysagen vnd betriegen / ynn dem
so sie

so sie sagen das gesicht yhres hertzen/
vnd nicht aus dem mund Gottes.

Vnd bald hernach.

Die mer
war
mb ges
eymig
ch
Dunch/
Pfaf
n feyn
itz sind
Tim. 2

Ich schick nicht die propheten / vnd
sie lauffe. Vnd ich redt nicht zu yhn / vñ
sie weyssagen / wenn sie weren beharren
ynn meynem rath / vnd hetten geoffen-
bart meynem volck meyne wort / so het
ichs gewend von yhrem bösen weg vnd
von yhren allen bösten gedanken.

Das ist yhe gewislich war / seyn wyr
mit gestorben / so werden wyr mit leben.
Dulden wyr / so werden wyr mit hersch-
en. Verleugnen wyr / so wird yhener vns
auch verleugnen / gleben wyr / so bleibt
er trew / er kan sich selbs nicht leugnen /
sollichs errymere sie / vñnd bezeug fur
dem **HERREN** / das sie nicht umb
wort zanken / wilches nichts nütz ist /
denn abzuwenden die da zuhören. Bes-
fleys dich Gott zu erzeygen eynen bewer-
ten vnstrefflichen arbeyter / der da recht
schneyte das wort der warheyte. Des vn-
geystlichen losen geschwetz entschlahē
dich / denn es furdert viel an dem vngöt-
lichen

lichen wesen / vnd yhr wort das frist
vmb sich wie der Krebs.

Von straff deren die nicht annemen das wort Gottes.

Wo euch yemand nicht annemen
wird noch ewer rede hören / so geht her
aus von dem selben haus odder Stat /
vnd schüttelt den staub von eweren füs-
sen. Warlich ich sage euch / Dem landt
der Sodommer vnd Gomorrer wird es
treglicher ergehen am iüngsten gericht /
dem solcher Stat.

Mat. 10.
vnd 11.

Vnd last faren alle meynen radt / vnd
wöllet meyne straffe nicht. So will ich
auch lachen ym ewrem vnfall / vnd ewer
spotten wenn da kompt das yhr furch-
tet / Wenn vber euch kompt wie ey-
n sturm das yhr furcht / vnd ewer vnfall
als eyne wetter wenn vber euch angst vñ
not kompt. Den werden sie myr ruffen /
aber ich werde nicht antworten. Sie
werden mich früe suchen vnd nicht fin-
den. Darumb das sie hassen das erkent-
nis / vnd erweletē des Herrn furcht nicht
wolten

Pro. 1.

wolten meyns radts nicht / vnd lester-
ten alle meyne straffe. So sollen sie essen
von den fruchten yhres wegcs / vnd von
yhrem radt satt werden. Das die albern
gelüftet / tödtet sie / vnd der narren glück
bringt sie vmb. Wer aber myr gehorch-
et / wyrd sicher bleyben / vnd gnug haben
on furcht des vbels.

Esai. 5.

Sie haben von yhn geworffen das ge-
setz des **HERRN** der heer / vnd habē
gelestert die rede des heyligen Israel /
das ist die lere Christi / darumb der grym-
me des **HERRN** ist erzürnet vber seyn
volck vnd hat ausgestreckt seyn handt
vber es / vnd hats geschlagen / vnd die
berg sind bewegt / vnd yhr todten cör-
per sind worden als der myst ynn mit-
ten der gassen.

Wie. 6.

Wem wird ich reden / vnd wem wird
ich bezeugen das er hör / sihe yhr oren
sind vnbeschnytten / vnd sie mögen nicht
hören / sehet das wort des **HERRN**
ist yhnen worden zu eyner schmach / vnd
sie werden es nicht annehmen / darumb
byn ich voll des grymmigen zorns des
HERRN

HERR/vnd mich mit mühe vnd ar
beyt enthalten/ Geus aus vber den kley
nen den grimmen/vnd vber den radt der
lungen mit eyntander / wenn der man
wird gefangen mit dem weyb / vnd der
alt mit dem der viel tag auff yhm hat/
vnd yhr heuser werden gehen zu den an
dern/die ecker vnd die weyber mit eyn
ander / wenn ich wird strecken meyne
hand vber die/die da eynruonent die er
den spricht der **HERR**. Vnd hernach.

Hört zu yhr Heyden / vnd yhr vers
samlungen erkennet / was ich handlen
wol mit diesem volck. Hör zu erdtrich/
sihe ich wird bringen die vbel vber das
volck / die frucht seyner gedancken / weiß
sie haben nicht gehört meyne wort / vnd
haben von yhn geworffen meyn gesetz.

Das redt der **HERR** eyn Gott **I**
srael / verflucht sey der man der nicht
hört die wort der bündtnis / das ich ge
botten hab ewern veteren / an dem tag
da ich sie ausfirt aus Egypten / aus dem
eyssen offen / sprechen. Höret meyn stym
vnd volbringet was ich euch gebeut /

D vnd

Hiere. 11.

vnd yhr werdet myr eyn volck seyn / vnd
ich wird ewer Gott seyn / das ich auff
weck den eydt / den ich geschworen hab
ewern veteren / das ich yhn wol geben eint
erdt die da flus mit milch vnd honig.
Das sagt der HERR der heer. Dar
umb das yhr nicht gehört habt meyne
wort / Sehet / ich werd schicken vnd an
nemen alle geschlecht gegē mitternacht /
sprich der HERR / vnd Nabuchodonosor
den König zu Babylon meynen
Knecht / vnd wird sie füren vber die gans
ge / vnd vber yhre eynwoher / vnd vber
alle geschlecht die ym yhrem umbkreys
sind / vnd wird sie erwürgen / vnd sie ma
chen zu eym schrecken vnd zu eym wis
peln / vnd ym eyn lange eynode.

Wispeln
ynn der
schriff /
bedeut
verachs
tung / vñ
den höch
sten spot.
Die. 28.

Das sagt der HERR der heer. Se
het / ich werd senden vnter sie das sch
werdt / hunger vnd pestilentz / vnd werd
sie machen als ungeschmack feygen / die
man nicht essen mag / wenn sie sind un
geschmack / vnd wird sie verfolgen ym
schwerdt / ym hunger vnd pestilentz / vñ
wird sie geben zu eym affenspiel / allen
landen

landen der erden / vnd eyn flach / wun-
der wispeln / vnd schmach / allen völk-
ern zu den ich sie hab ausgeworffen / da-
rumb das sie nicht haben gehört meyne
wort / sagt der **HERR** / die ich gesandt
hab zu yhnen / durch meyne knecht die
propheten. Ich stund auff ym der nacht
vnd sandt sie / aber yhr habt sie nicht ge-
hört / spricht der Herr. **Beschlusred.**

Aus diesen vnd andern sprüchen der
göttlichen schrift / ist kundtbar vnd of-
fenbar / das denen / die das wort Gottes
widderfechten / vnd nicht annehmen /
zwo schwere straff werdent zustehen /
Nemlich das sie zeytlich hart werden ge-
strafft / mit krieg / hunger / vnd pesti-
lantz / die ewigen straff tröwet ym Chri-
stus / so er spricht / das sie herter vnd
strenger werden verurteylt / denn die So-
domer vnd Gomorrer / die mit schwef-
fel vnd pech verbrandt sind.

Mat. 10.
vnd. 15.

Das alle Bischoff vnd
der gantze geystlich standt / diener sind /
vnd nicht gewaltig odder herren.

D ij Rhr

Mat. 20.
Mat. 10.
Luce. 22.
Ihr wisset das die weltlichen Für-
sten herschen / vnd die oberherren fareit
mit gewalt / also soll es nicht seyn vnder
euch / sondern so vnter euch yemand wil
gewaltig seyn geacht / der sey ewer die-
ner. Vnd wer da will der fürnemst seyn /
der sey ewer knecht / Gleich wie des men-
schen son ist nicht kommen / das er yhm
dienen las / sondern das er diene / vnd
geb seyn leben zu eyner erlösung für viel.

Mat. 23.
Luce. 22.
Ihr solt euch nicht Rabi nennen las-
sen / denn eyner ist ewer meyster Christus /
yhr aber seyt alle brüder / vnd solt nie-
mand vater heysen auff erden / denn ey-
ner ist ewer vater / der ym hymel ist / vnd
yhr solt euch nicht lassen meyster nen-
nen / denn eyner ist ewer meyster Chris-
tus. Der gröst vnter euch / soll ewer die-
ner seyn.

1. Cor. 3.
Wer ist nu Paulus ? wer ist Apollo?
diener sind sie / durch wilche yhr seyt
glaubig worden.

1. Cor. 4.
Dafür halt yederman / nemlich für
diener Christi / vñ haushalter vber Got-
tes geheymnis / das ist vber das Euang-
gelion.

gelion.

Wyr predigen nicht vns selbst / ^{2. Cor. 3.} sondern Ihesum Christum / das der sey der
HERR / wyr aber ewre knecht vmb
Ihesus willen.

Die eltesten die vnter euch sind / er- ^{.1. Pet. 5.}
mane ich der mittelste / vnd zeng der ley ^{Der Bis}
den die ynn Christo sind / vnd mit genos ^{schoff}
der heyligkheydt die offenbart werden soll. ^{ampt.}
Weydet die herdt Christi / die vnter euch
ist / vnd versehen sie / nicht genöttigt /
sondern selb willig / nicht aus schendts
lichs gewinfts gesucht / sondern aus ge-
neygtem gemüt / nicht als die herschen
vber das erb / sondern werden furbildt
der herd / So werdet yhr (wenn erschey-
nen wird der Ertzhirdt) die vnuerwölck
liche kron empfaben.

Ich byn eyn diener worden des ^{Eph. 3.} E-
uangeli / nach der gab / aus der gnad
Gottes / die myr gegeben ist nach der
wircung seyner krafft.

Da Christus erkant / das yhn wolt ^{Joan. 6.}
as gemeyn volck / zu eym König mach-
D iij en da

en/da weych er von yhnen ze.

Widder die lesterer Got

tes der heyligen geschriff / die
fur geben / Christus sey alleyn
fur die erbsünd gestorben.

Act. 13.

Es sey euch kundt lieben brüder / das
enck verkündiget wird / vergebung der
sünd durch Christum / vñ von dem allem
durch wilches yhr nit können ym gesetz
Mosi rechtfertig werden. Wer aber an
diesen gleubt / der wird rechtfertig.

1. Cor. 1.

Ihr seyt durch Gott ym Christo Jhe
su / wilcher vns gemacht ist von Gott
zur weysheyt / vñnd zur gerechtickeit /
vñnd zur heyligung / vñnd zur erlösung /
auff das / wer sich rhümet / der rhüme
sich des **HERRN**.

1. Cor. 6.
Wisset yhr nicht / das die vngerech
ten werden das reich Gottes nicht er
ben? Lasset euch nicht umbfüren / Wid
der die buler / noch die abgöttische / noch
die ehebrecher / noch die weychlingen /
noch die Knabē schender / noch die dieb /
noch die geytzigen / noch die truncken /
noch

noch die schelter / noch die reuber wer- sagt. Wie
den das reich Gottes ererben / vñ solchs es durch
seyt yhr etlich gewesen / aber yhr seyt ab- Christus
gewaschen / yhr seyt geheyliget / yhr seyt hynweg
gerechtfertiget durch den namen des genomen
HERREN Ihesu / vñnd durch den seyen.
geyst vnser Gottes.

Wyr habens alles von Gott / 2. Cor. 5
der vns mit yhm selbst versünet hat /
durch Ihesum Christum / vñd vns gebē
das ampt das die versünung prediget /
denn Gott war ynn Christo / vñd versü-
net die welt mit yhm selbst / vñd rechnet
yhn yhre sund nicht zu / vñ hat vnter vns
auffgericht / das wort der versünunge.

Denn er hat den / der von keyner sund
wusste / für vns zur sund gemacht / auff
das wyr würden ynn yhm die gerechtige-
keyt die für Gott gilt.

Vñd euch die yhr für zeyttē entremb Colo. 1
det vñd feyndt waren / durch die ver-
nunfft ynn bösen wercken / nun aber hat
er euch versünet mit dem leyb seynes flei-
sches / durch den todt / auff das er euch
dar stellet / heylig vñd vnstrefflich vñd
D iij vñthadelich

vnthadelich für yhm selbs / so yhr an-
derst bleybet ym glauben / gegründt vnd
fest / vñ vn beweglich / von der hoffnung
des Euāgeli / wilches yhr gehört habt /
wilches geprediget ist vnder alle creatur
die vnder dem hymel ist / wilches ich
Paulus eyn diener worden byn.

Ebre. 9.

Christus ist nicht eyngangen ynn das
heylige mit henden gemacht (wilchs ist
eyn gegenbild der warhafftigen) sonder
ynn den hymel selbs / nu zu erscheynen
für dem angesicht Gottes / auch nicht
das er sich oft opffere / gleych wie der
hohe Priester geht alle iar ynn das heylige
mit frembden blut / sonst het er efft
müssen leyden von anfang der welt her.
Nu aber am endt der welt ist er eyn mal
erschynen durch seyn eygen opffer / die
sund auffzuheben / vnd wie den menschen
ist gesetzt eyn mal zu sterben / dar-
nach aber das gericht / also ist Christus
eyn mal geopffert wege zunehmen vie-
ler sund. Zum andern mal aber wird er
on sund erscheynen / denen die auff yhn
warten zur seligkeyt.

Eyn

Eyn iglicher Priester ist eyngesetzt / Ebre. 10.
das er alle tag Gottes dienst pfleg / vnd
offtmals einerley opffer thue / wilche ni-
cht können die sund abnehmen. Dieser
aber da er hat eyn opffer für die sund ge-
opffert das ewiglich gilt / ist er gesessen
zur rechten Gottes vnd wartet hyn-
furt / bis seyne feynd werden gelegt zum
schenel seynes füsse / denn mit eynem op-
ffer hat er ynn ewigkeyt volendet die ge-
heyligeten.

Es ist yhm keyn gestalt noch zierde /
wyr haben yhn gesehen vnd es was kein
angesicht / vnd wyr haben yhn erkant /
verschmecht / vnd den aller geringsten
vnder den menschen / eyn man der Schmer-
tzen / vnd der weys die krankheyte / vnd
seyn antlitz war gleych verborgen vnd
veracht / daher wyr yhn kaum kant ha-
ben / fürwar er hat hynwegt genomen
vnsere siechtage / vnd getragen vnsere
schmertzen / vnd wyr haben yhn geach-
tet als aussetzig / geschlagen von Gott
vnd gedemütiget / er ist verwundet von
wegen vnsere vngerechtigkeyt / vñ ist zer-

D v knirst

Ernst von wegen vnser laster / die zucht
vnser frids ist auff yhm / vnd ynn seyn
nen wunden seyn wyr gesundt worden.
Wyr alle haben geyrt als die schaff / vñ
eyn iglicher sich geneygt ynn seynen
weg / Vnd der HERR hat ynn yhn ge
setzt vnser vngerechtigeyt / er ist auffge
opffert / wen er hats gewöllet / vnd hat
seynt mund nicht auffgethan.

Non freyheydt der speys.

Die erst Beschlusred.

Allen Christen gebürt vnd zympt / zu
aller zeyt / allerley speys zu niessen / doch
alleyn zu auffenthaltung des leybs / vnd
nit zu vberflus.

Mat. 15.
Mar. 7. Was zum mund eyngehet / das ver
unreyniget den menschen nit / sonderit
was zum mund ausgehet / das verunrey
niget den menschen. (Vnd hernach.) Al
les was zum mund eyngehet / das gehet
ynn den bauch / vnd wird durch den na
türlichen gang ausgeworffen. Was
aber zum mund heraus gehet / das kom
pt aus dem hertzen / vnd das unreyni
get den

get den menschen / denn aus dem hertzen
en kommen arge gedancken / mord / ehe-
bruch / hurerey / dieberey / falsche gezeug-
nis / lesterung / das sind die stuck die den
menschen verunreynigen.

Straff sie scharpff / auff das sie ge Titum. 1
sundt seyen ym glauben / vnd nicht ach-
ten auff die Jüdischen fabeln vnd mens-
schen gebot / wilche die warheyt abwent-
den / den reynen ist alles reyn / den vn-
reynen aber vnd vnglaubigen ist nichts
reyn / sonder vnreyn ist beyde yhr syn
vnd gewissen.

Den schwachen ym glauben nempt Röm. 14
auff / vnd verwirret die gewissen nicht.
Einer glaubt / er müge allerley essen.
Wilcher aber schwach ist / der isset kraut /
wilcher isset der verachte den nicht / der
nit isset / vnd wilcher nit isset / der richte
den nicht / der da isset / dan Got hat yhn
auffgenommen. Auff dise wort spricht der
heilig Ambrosius / da niemand durch die
speys / widder Gott gefal odder misfal.

Ich hab es alles macht / Es nützt I. Cor. 13
myr aber nicht alles / Ich hab es alles
macht.

macht/aber ich will vnder keynes ge-
walt seyn/die speyse dem bauch /vñ der
bauch der speyse/aber Gott wird diesen
vnd yhenen hynrichten.

1. Cor. 8.

Die speys furdert vns vor Gott ni-
cht/essen wyr/so werden wyr darumb
nicht besser seyn/essen wyr nichts/so
werdē wyr darumb nichts weniger seyn.
Sehet aber zu das diese ewer freyheyte/
nicht geratte zu einer ergernis der schwa-
chen.

1. Cor. 10.

Ich hab alles macht/aber er ist nit
alles nützlich. Ich hab alles macht/
aber es bessert nit alles/ Niemandt suche
seyn nutze/sonder eynt iglicher des an-
dern. Alles das feyl ist auff dem fleysch
marckt/das esset/ vnd forschet nichts/
auff das yhr der gewissen verschonet/
dan die erden ist des HERRN/ vnd
alles was daryn ist. So aber yemandt
von den vnglaubigen euch ladet/ vñnd
yhr wolt hyn gehn/so esset alles was
euch fur getragen wird/vnd forschet ni-
chts/auff das yhr der gewissen verscho-
net. Wo aber yemandt würd zu euch sa-
gen/

gen / dis ist götzen opffer / so esset nicht /
vmb des willen der es anzeucht / auff
das yhr des gewissen verschonet (die er-
den ist des **HERREN** vnd was dar-
yinnen ist (Ich sag aber vom gewissen /
nicht deyn selbs / sonder des andern zc.

Besihe das zehendt vnd eylffte capi-
tel von geschichten der Apostel.

Wo yhr ynn eyn statt kommet / vnd **Luce. 10**
sie euch auffnehmen / da esset was euch
wird fur tragen.

Last euch nicht mit mancherley vnd **Ebre. 13**
fremdben leren vmbfuren / denn es ist
gut / durch gnad das hertz befestigen /
nicht mit speysen / durch wilche keyn
nutz haben empfangen / die darynnen
gewandert haben.

Alle visch ym meer sind ynn ewer **Ges. 9.**
hendt gegeben / alles was sich regt vnd
lebt das sey ewer speys / wie das grüne
kraut hab ichs euch alles geben.

Ambrosius vber das 14. Capitel zun **Röm. 7**
Römern. Aus gutthat vnser heylands
Jhesu ist alles reyn / der heraus resset
die menschen von dem ioch des gesetz /
vnd

vnd gerechtfertiget / vnd wider gibt den
allten stand der freyheyte das sie würdig
sind zu brauchen aller creatur / wie die
allten heyligen veter.

Die ander beschlusred.

Das reyn ist / vnd zu gelassen zu ge-
brauchen allen gleubigen zu aller zeyt /
mag ynn zwen weg vnreyn werden vnd
shedlich. Zum ersten / wenn wir da durch
ergern vnser brüder. Zum andern / wenn
wirs für vnrecht halten.

Laß vns nicht yhe eyner den andern
richten / sondern das richten viel mehr /
das niemand seynem bruder eynt anstos
odder ergernis dar stell / ich weys vnd
byn gewys ynn dem **HERREN** Jhe-
su / das nichts gemeyn ist an yhm selbs /
on der es rechnet für gemeyn / dem sel-
ben ist gemeyn. So aber deynt bruder
vber deyner speys betrübet wird / so
wanderstu schon nicht nach der lieb / lie-
ber verderbe den nicht mit deyner speys /
vmb wilches willen Christus gestorben
ist. Darumb schaff / das vnser schatz ni-
cht gelestert wird / denn das reych Got-
tes

Röm. 14
gemeyn
ist eben
viel
als vnrei
als das
nicht
erweihet
t.

tes ist nicht essen vnd trincken / sondern
gerechtigeyt / vnd frid vnd freud ynn
den heyligen geyst / wer darynnen Chri-
sto dienet / der ist Gott gefellig / vnd den
menschē bewerdet. Darumb last vns dem
nach streben / das zum frid dienet / vnd
was zu besserung vntereynander dienet.
Lieber verstöre nicht vmb der speys wil-
len Gottes werck. Es ist alles reyn /
aber es ist nicht gut / dem / der es isset
mit ergernis seynes gewissens. Es ist
viel besser du essest keyn fleysch / vnd trin-
ckest keyn weyn / odder das / daran sich
deyn bruder stößt / odder ergert / odder
schwach wird. Hastu den glauben? so
hab yhn bey dyr selbs fur Gott. Selig
ist der yhn selbs keyn gewissen machet /
ynn dem das er annympt. Wer aber dar
über wancket / so er es essen wird / der ist
verdampft / denn es geht nicht aus dem
glauben / was aber nicht aus dem glau-
ben geht das ist sünde.

So die speys meynen bruder ergert / 1. Cor. 8.
wölt ich nicht fleisch essen ewiglich / auff
das ich meynen bruder nicht ergert.

Es möchte

Es möcht aber eyner sagen / ist yhm
nicht also? Wyr brauchen allerley speys /
(vnd enthalten vns nicht von ettlichen
speysen / wie die Juden) wie du anzeygst
mit diesen texten / ausgenommen die tag
vnd zeyt / auffgesetzt von der kirchen?
Antwort. Alle tag sind gleych / vnd alle
tag seyn wyr frey zuniessen allerley speys
on vnterscheyd / wie wyr hernach wölle
anzeynen. Aber was das fur eyn kirch
vnd versamlung sey gewesen / die beson-
der tag vnd zeyt hat auffgesetzt / zeygt
Paulus an. Der geyst sagt deutlich / das
ymt den letzten zeytten / werden etlich
von dem glauben abtretten / vnd anhan-
gen den yrrigen geystern / vnd leren der
teuffel / durch die so ym gleysnerey lü-
gen reder sind / vnd brandtmal yhm yhm
rem gewissen haben / vnd verbieten che-
lich zu werden / vnd zumeiden die speys
die Gott geschaffen hat zunhemen mit
dancfsagung / den gleubigen / vnd denen
die die warheyt erkennen haben / denn al-
le creatur Gottes ist gut / vnd nicht ver-
werfflich / dz mit dancfsagung empfan-
gen wird /

Antwort

1. Tim. 4
D wol
eyn schö-
ne grund
hat der
geystlich
stand.

gen wird / deß es wird geheyliget durch
das wort Gottes vnd das gebet.

Eynen helt auch eynen tag für den **Röm. 14.**
andern / der ander helt alle tag gleych /
Eyn iglicher sey seynes synnes gewis.
Wilcher auff dis tag helt / der thuts dem
HERRN / vnd wilcher nichts dar
auff helt / der thuts auch dem **HERRN**.

So yhr nu Gott erkandt habt (yha **Gala. 4.**
viel mehr von Gott erkandt seyt) wie
wendet yhr euch denn vmb / widder zu
den schwachen vnd dürfftigen satzungē
wilchen yhr von newes an dienen wolt?
Ihr haltet tag vnd monat vnd fest vñ
Iarzeyt / Ich fürcht ewer / das ich nicht
vileycht vmbsonst hab an euch gearbeit.

Last euch niemand gewissen machen **Col. 2.**
vber speys / odder vber tranck / oder vber
eyns teyls tagen / nemlich / den Feyertag
gen odder new Monaten / odder Sab
bater / wilches ist der schatten von dem
das zukünfftig war. / aber der körper
selbs ist ynn Christo.

Vñ sag ich das nicht darumb / das
ich den vberflus vñ misbrauch der
E speys

speys vnd des tranck's gut halt / sondern
das errettet werden die schwachen ge-
wissen / die des not haben zu gebrauchē
zu auffenthaltung yhres leibs / denn wir
speysen sollen / das er m̄g leben / nicht
das er geyle / wenn es ist nichts so hey-
lig vnd so n̄tzlich auff erdrich / damit
sich der mensch nicht beflecke / wo es
misbraucht wird.

Non ergernis / wie man sich daryn halten soll.

Die erst beschlusred.

Wenn dich die nott darzu dringt / od
der du krank bist / magstu essen was
Mat. 12. dich gelust / Es erger sich drob wer da
wol. Also hat Christus entschuldiget / die
t̄inger / da sie das Ḡttliche gesetz vber-
traten / von wegen yhr notdurfft / viel
mehr sind entschuldigt / die vbertreten
menschliche satzung / so sie es on gefahr
vnd schaden nicht halten m̄gen.

Die ander beschlusred.

Wenn du vmb leut bist / die der Chris-
tlichen freyheyt vnwissen sind vnd we-
ren

ron begyrig zu glauben / wie wyr / wo es
yhnem verkündiget vñ furgehalten würd
gegen solchen hertzigen menschen sollen
wyr gedult tragen / vnd vns vnser frey-
heyt enthalten / bis sie auch ym glauben
gesterckt werden. Also beschneydt Pau-
lus Timotheum / da er bey schlechten ein-
feltigen leuten war / die nicht erkantent
die Euangelischen freyheyt / vnd sich er-
gerten von wegen yhres vnuerstandts. Act. 16.

Die dritt beschlusred.

Wo du aber bey Phariseern vñ gley-
nern werest / denen die Euangelische
freyheyt verkündet vnd kundtbar wer
vnd wolten darüber darauff dringen /
vnd mit eym gebott deyn freyheyt auff-
heben / vnd also deyn gewissen binden /
den soltu zu trotz / dich deyner freyheyt
gebrauchen / damit die Christliche frey-
heyt nicht auffgehbt / vnd die gewisse
gebunden werdt / da sie nicht zu binden
ist. Also wolt Paulus Titum nicht las-
sen beschneyden / vnd stalt sich tapffer
widder die halssterrigen Juden / da sie
wolten eynt gebott daraus machen / Gala. 2.

¶ ij zur

zur seligkeit notwendig.

Von anrufung der heyligen.

Die erst beschlusred.

Wyr sollen alleyn Gott anbetten / an-
ruffen / vnd die allerhöchste eher bewey-
sen.

Ero. 20.
Deut. 5.
Leui. 26.
Ero. 34.

Ich byn der **HERR** deyn Gott der
dich aus Egypten landt aus dem dienst
haus gefurt hat / Du solt keyn ander göt-
ter neben myr haben / du solt dyr keyn
bildnus / noch yrgent eyn gleychnis ma-
chen / widder des das oben ym hymel /
noch des das vnten auff erden odder
des das ym wasser vnter der erden ist /
bett sie nicht an / vnd diene yhm nicht /
denn ich der **HERR** deyn Gott byn /
eyn starcker eyfferer.

Du wirst anbetten Gott deyn **HERR**
XXI / vnd yhm alleyn dienen.

Matth. 4.
Deut. 5.
Luce. 4.
Esa. vlt.

Es wird kommen alles fleysch vnd
anbetten vor meynem angesicht / spricht
der **HERR**.

Psal. 65.

O Gott alle land bette dich an / vnd
lobsing

• Iobsing dyr.

Alle Heyden die du hast gemacht werden kommen vnd anbetten vor dyr / vñ Psal. 85.
ehren deynen namen / wenn du bist gros
vnd thust wunderbarliche ding / du bist
Gott alleyn.

Der erst auszug.

Darumb sich die heyligen nie haben
wüllen anbetten lassen / vñ fast gestrafft
den yrsall / vnd die menschen auff Gott
gewysen.

Wie wyr lesen von dem Engel / von Apoca.
wilchem Johannes empffangen het / vlti. i. vñ
die heymliche offenbarung / vnd er yhm 19.
fur die füß viel / yhm anzubetten / sprach
der Engel / Sihe zu thus nicht / den ich
byn deyn mitknecht / vnd deiner brüder
der propheten / bette Gott an zc.

Da Petrus vnd Johannes den la- Act. 5c
men / sitzend bey dem tempel / gesund
betten gemacht / vnd das volck auff sie
sah mit grosser verwunderung / sprach
Petrus. Ihr menner von Israel / was
verwundert yhr euch darüber? oder was
seheth yhr auff vns / als hettē wyr diesen

¶ ij wandren

wandern gemacht / durch vnser eygent
Krafft odder verdienst. Der Gott Abrah
ham vñ Isaac vnd Jacobs / der Gott vn
ser veter hat seyn kind Ihesum vefleret.

Act. 10.

Da Petrus kam ynn das haus Cor
nelij / gieng yhm Cornelius entgegen /
vnd viel zu seynen füßen / vnd betet yhn
an. Petrus aber richtet yhn auff / vñnd
sprach. Stehe auff / Ich byn auch eyn
mensch.

Act. 14. ¶

Paulus vnd Barnabas / da sie was
ren ynn Lystris zu predigen das Euang
gelion / da war eyn man vnter den Ly
straner / der sas vnuermögens an seynen
füßen / vnd war lam von muter leib / der
noch nie gewandert het / der höret Pau
lum reden / vnd als er yhn ansah / vnd
merckt das er eyn glauben het / gesundt
zu werden / sprach er mit lauter stym.
Stehe auffrichtig auff dextre füß / vnd
er sprang auff vnd wandert. Da aber
das volck sahe / was Paulus gethan
hatte. Zuben sie yhre stymmen auff / vñ
sprach en auff Liaconisch / die götter sind
den menschen gleych worden / vñnd zu
vns

vntz hernidder kommen / vnd hatten
Barnabam / Jupiter / vñ Paulum / Mer-
curium / die weyl er das wort füret. Der
Priester aber Jupiters / der für der statt
war / bracht ochssen vnd krentze für
das thor / vnd wolt opffern mit sampt
dem volck / Da das die Apostel Paulus
vnd Barnabas horten / zerrissen sie yhre
Kleyder vnd sprungen vnder das volck /
schryen vnd sprachen. Ihr menner / was
macht yhr da? wyr sind auch mensche /
euch gleychwertig vnd predigen euch
das Euangelion / zu bekeren von dies-
sen vnnützen / zu dem lebendigen Gott /
wülcher gemacht hat hymel vnd erden
vnd das meer / vnd alles was darryn
ist zc.

Der ander auszug.

Die werden euch schwerer straffwer- Esa. 14
tig seyn / die yhnen selbs Gottes ehr wöl-
len zu legen vnd eygnen / als Klerlich mit
ditem exempel anzeigt wird. Da Lucifer
auffstig ynn hymel / vnd erhöhet seyn
stul vber die gestyrn des hymels / das er
sich vergleychte Gott / vnd gestoffen
L üij ward

ward ynn die hell zc.

Act. 12.

Auff eynen bestympten tag thet Herodes an das Königlich Kleyd / satzt sich auff den richter stuel / vnd thet eyn rede zu yhn / das volck aber lieff zu / das ist eyn stym Gottes vnd nicht eyns mensches / als bald schlug yhn der Engel des HERREN darumb / das er den preys nicht Gott gab / vnd ward gefressen von den würmen / vnd gab den geyst auff.

Gegens
wurff.

Judi. 13.

4. reg. 4.

Gen. 19.

1. reg. 20.

1. reg. 28

Man möchte eyner sprechen also / lesen wyr doch ym alten Testament / an viel enden / das eyn mensch den andern hat anbettet / als Achior Judith vnd Helis am Sunamitis / Abraham den Engel / Lott zween Engel / David Joatham / Saul Samuelem / Vnd also durch das alt Testament hynwegt / findt man vast viel ort. Viel mehr sollen wyr die auserwelten / die verschyde sind ynn der gnad Gottes / anbetten.

Antwort

Antwort. Zweyerley anbetten ist / eyns eusserlich / nemlich mit dem hewbt neygen / sich bücken mit dem leyb / auff die knye fallen / auff die erden fallen / vnd

und solchs thun zu eyn zeychen der über-
berkeyt vñ gewalt / gleych wie man den
weltlichen herren auch stillschweygent
sich neygt / solchs eusserlich ehrbietung /
heyst eygentlich ynn der schrift anbeten
und ist aus lauter vnuerstand des wört
lin Adorare / verteutschet auff anbeten /
wilchs von beten des munds zu starck
laut / und wer viel besser / das man spre-
che / Ehrbieten / odder wie das Ebre-
isch gibt / neygen. Und das anbeten od-
der ehrbieten eusserlich / ist on vnter-
scheidung erzeygt worden / Gott und Kö-
nigen / wie auch noch das neygen vñ
Eneyen eusserlich / beyden Gott und men-
schen erzeygt wird.

Das ander anbeten / ist eyn ehrbie-
tung odder neygen des hertzen / damit
du dich von grund deynes hertzen / erzey-
gest und bekennest / als seyn vntertheni-
ge creatur. Und solch anbeten ist nichts
anderst denn der glaub / odder des glau-
bens höchst werck gegen Gott / Denn
solch hertzlich neygen / bücken / ehrbie-
tung / bekentnis / odder wie man es ne-

Das res-
cht anbe-
ten das
Gott als
leyn zu
gehört.

E v men

men will / vermag niemand ym hertzen
zuthun gegen Gott / er halt denn on al-
les wancken Gott fur seynen **HERREN**
vnd vater / von dem er alles guts hab
vnd haben werdt / durch wilchen er on
allen verdienst / von allen sunden vnd
vbel erlost vnd behalten wird.

Die ander beschlusred.

Das alleyn ym Gott zu vertrauen /
yhn anzuruffen / vnd eyn zuflucht zu
yhn zu halten sey / Seygt klerlich an der
meyster der warheyt vnd eyniger doctor
der götlichen schrift / der heylig geyst.

psal. 49. Ruff mich an ym der zeyt der not /
so will ich dich erretten / so soltu mich
preysen.

psal. 45. Gott ist vnser zuuersicht vnd sterck /
eyn hülf ym den grossen nöttē die vns
troffen haben haben / darumb forchten
wyr vns nicht wen gleich die erden eyn-
fiel / vñ die berg mieten yms meer füren.

psal. 17. Ich byn dyr holdt **HERREN** / meyn
sterck / **HERREN** meyn fels / meyn burck /
meyn erretter / meyn Gott / meyn hort /
auff den ich vertrau / meyn schilt vnd
horn

horn meyns heyls / vnd meyn schutz / ich
will der **HERRN** anruffen mit lobē /
so werde ich von meynen feyndē erlöset.

Wenn myr angst ist / so ruff ich an
den **HERRN** vnd schrey zu meinem
Gott / so erhöret er meyn stym von seynem
heyligen tempel / vñ meyn geschrey
kompt fur yhu / zu seynen oren.

Ich byns / ich byns / vnd an mich ist
keyn heyland.

Christus ist der steyn / von ench baw
leuttē verworffen / der zum ecksteyn wor
den ist / vnd ist ynn keynem andern heyl.
Ist auch keyn ander man den menschen
geben / darinnen wyr sollen selig werdē.

Lieber **HERR** der du vnser Kö
nig alleyn bist hilff myr eynige / wilcher
on dich keyn ander helffer ist.

Meyn stercke vnd meyn lob ist der
HERR / vnd ist myr worden zu eyn
heyl / der ist meyn gott / vñ ich wird yhu
ehren / eyn Gott meynes vaters / vnd ich
wird yhu hoch preysen vnd erheben.

Der **HERR** ist meyn fels / meyn ster
cke / mein heyland / vñ Got mein starcker
HERR /

Act. 4.
Mat. 21.
Mar. 14.
Luce. 20

psal. 117.
Wester
am 14.

Ero. 15.
Esai. 12.

2. reg. 2

Psalmo
143.

HERR / vnd ich wird ynn yhm hoffen /
meyn schilt / der gewalt meyns heyls /
meyn erhöher / meyn zuflucht / meyn sel-
igmacher / du wirst mich erlösen von
meyner vngerechtigeyt. Ich wird anruf-
fen den lobwürdigen **HERRN** / vnd
wird behalten vor meynen feynden.

Gelobt sey der **HERR** meyn hort /
der meyn hend leret streyten vnd meyn
ne finger kriegen / meyn gueth / vnd mein
burck / meyn schutz vnd meyn erretter /
meyn schilt / auff den ich traw.

4. reg. 17

Fürchtet Gott ewern **HERRN** /
vnd er wird euch erretten von der hand
aller ewer feynd.

2. Para.
20.

Glaubet ynn **HERRN** ewern
Gott / so werdet yhr sicher / gebet glau-
ben seynem propheten / so wird euch al-
les glücklich zu handengehen.

Psal. 18.

Meyn seel schweyge Gott / den mein
hoffnung ist zu yhm. Gott ist meyn hort
meyn heyl vnd meyn schutz / ich will wol
bleyben / bey Gott ist meyn heyl / meyn
ehr / der fels meynes sterck / meyn zuer-
sicht ist auff Gott / hofft auff yhm alle-
zeyt

zeyt / yhr völder schüttet ewer hertz fur
yhm aus / Gott ist vnser zuuersicht.

Es ist myr nützlich anhangen Got / Psal. 27
vnd setzen meyn hoffnung ynn Herren.

Wyr bekennen dyr Gott / wyr bekenn
nen dyr / vnd werden anruffen deynen
namen. Psal. 74

O **HERR** neyg myr deyn ore / vnd Psal. 85.
erhör mich wenn ich byn elend vñ arm /
beware meyn seel / denn ich byn heylig /
meyn Gott mach behalten deynen kne-
cht der da hoffet ynn dich / Erbarme
dich meyn / wenn ich hab gerufft den
gantzen tag zu dyr / O **HERR** erstew
die seel deynes knechts.

Wenn ich hab auffgehebt meyn seel
zu dyr / wenn du **HERR** bist sensst vñ
milt / vnd viel erbarnd sind denen / die
dich anruffen.

Sie schryen zu dem **HERRN** / Psal.
da sie würden betrübt / vñnd erlöset sie 106.
von yhren nottürffrigkeyten.

Ich hab angerufft den **HERRN**
von der trübsal / vnd er erhört mich ynn Psal. 117
der weyt. Derr **HERR** ist meyn helffer /
ich

ich fürcht nicht was myr der mensch
thut / der **HERR** ist meyn helffer / vnd
ich wird verschmehen meyn feynd / Gut
ist vertrauen ynn den **HERRN** / denn
vertrauen ynn den menschen / Besser
ist hoffen ynn den **HERRN** / denn ho
ffen ynn die Fürsten.

Psal. 119.

Da ich ward betrübet / da hab ich ge
schryen zu dem **HERRN** / vnd er hat
mich erhört.

Psalm 144.

Der **HERR** ist nahend allen den / die
yhn anruffen / allen die yhn anruffen yñ
der warheyt / er will thun den willen der
die yhn fürchten / vnd wird erhören yhr
bittung / vnd wird sie heylsam machen.

Isa. 46.

Ich habs geschaffen / ich trags / ich
werds auffenthalten / ich werds selige
machen.

Osee. 13.

Ich byn der **HERR** deyn Gott /
der dich ausgefirt hat aus dem erdtrich
Egypti / Du wirst keyn Gott erkennen
den mich / vnd ist keyn heyland / odder se
ligmacher denn ich (Vnd bald hernach)
O Israel deyn ist die verderbnis / aber al
ley ynn myr deyn hülf.

Wilcher

Welcher wird anruffen den namen **Johe. 12**
des **HERREN**/der wird behalten.

**Ursach warumb die heyligen nicht sollen an-
gerufft werden.**

Anruffung ist nichts anders / denn **Anruffen**
hoffnung vnd vertrauen ynn den gesetz
en / der angerufft wird / als zu eynem
der helfen mag / Wie **S. Paulus** sagt. **Röm. 10**
Wie werden sie anruffen / ynn den sie ni-
cht glauben / verflucht ist aber / der seyn
hoffnung vnd trost setzt ynn eyn ge-
schöpffe.

Verflucht ist der mensch / der ver- **Wie. 17**
traut ynn den menschen / vnd setzt das
fleysch seyn hülff / vnd seyn hertz weycht
von Gott.

Daher wyr sprechen. Ich glaub ynn
den heyligen geyst / vñ eyn Christenliche
Kirch / Daher denn offenbar ist / das yra-
rig vnd ketzerisch ist. Glauben ynn die
Kirch / das ist ynn die versammlung der
heyligen / denn viel eyn ander ding ist
(wie **Ciprianus** der heylige merterer
leret)

Credere
deum.
Credere
in deum.

2. Para.
16.

leret) glauben eyn ding / vnd ynn eyn
ding glauben / denn glauben eyn ding /
ist glaubē das es sey. Aber ynn eyn ding
glauben / ynn alle hoffnung / trost / vnd
vertrauen darynn setzen / das alleyn
Gott zu gehört.

Also lesen wir vom König Asa / das
er vast ist gestrafft worden / vom prophe
ten Anania (Darumb das er vertraut
ynn den König Syrie vnter seyn hülff)
mit solchen worten. Darumb das du eyn
vertrauen gehabt hast ynn König Sy
rie / vnd nicht ynn **HERRN** deynen
Gott / darumb ist ergangen das heer des
Königs Israel aus deynen handt / Ist
yhm nicht also / der Mauren vnd der
aus Libia waren viel mehr / mit wegen /
reysigen vnd mit einer grossen mennige.
Wilche so du Gott glaubest / hett er
vberantwort ynn deyn hand / wenn die
augen des **HERRN** beschawen das
gantz erdtrich / vnd geben krafft denen /
wilche mit volkommen hertzen ynn yhm
glauben.

Gegens
wurff

Du möchte eyner also sprechen / Wir
habent

haben keyn hoffnung noch vertrauen
zum heyligen/etwas von yhnen zu erlan-
gen / sondern wyr ruffen sie alleyn an/
Das sie vnser fürsprecher seyn fur Gott/
fur den wyr nicht tretten dürffen / von
wegen vnser sund vnd laster/ Wenn ge-
ring ist etwas zu erlangen/bey eym welt-
lichen Fürsten / so man seyne diener zu
fürsprecher hat/ Also achetn wyr auch
mit Gott zu seyn.

Christus gibt antwort. Ich byn der Antwort
Joan. 14.
weg/warheyt/vnd das leben / vnd nie-
mand kompt zum vater / denn durch
mich/mit dem er anzeygt/ das er der ey-
nig mitler vnd fürsprech fur Gott sey.

Ich byn die thür/wilcher durch mich Joan. 10.
wird eyngehen/der wird behalten/ Wil-
ches auch Paulus an viel enden klerlich
anzeyt.

Es ist eyn Gott vnd eyn mitler zwi- 1. Tim. 2.
das Chri-
stus vns-
ser fürs-
sprecher
sey.
schen Gott vnd den menschen/ Nemlich
der mensch Ihesus Christus / der sich
selbs hat gebē fur iederman zu erlösung.

Durch Christum haben den zugang Ephe. 2.
vnd .3.
die Juden vnd Heyden / ym eynem

§ geyt

geyst zum vater.

Röm. 5.

Es ist hie keyn vnterscheyd / sie sind alle sunder / vnd mangeln des preys / den Gott an yhn haben solt / vnd werden on verdienst gerechtfertigt aus seynner gnad / durch die erlösung / so durch Christum geschehen ist / wilchen Gott hat für gestelt zu eynem gnaden stul / durch den glauben ym seynem blut.

Röm. 5.

Seyn wyr denn rechtfertigt worden durch den glaubē / so haben wyr frid mit Got durch vnsern **HERREN** Ihesum Christum zc.

Röm. 8.

Wer will die anserwelten Gottes besuldigen / Gott ist hie / der da rechtfertigt. Wer will verdamnen? Christus ist hie / der gestorben ist / ia viel mehr / der auch aufferweckt ist / wilcher ist zur rechten Gottes / vnd vertritt vns.

Ebre .1.

vnd .9.

Darumb das Christus bleybt ewiglich / hat er eyn vnuergercklich priesterthumb / daher er auch selig machen kan ewiglich / die durch yhn zu Gott kommen vnd lebet ymmerdar vns zu vertreten.

.1. Joh 2

Weyne kindleyn / solchs schreyb ich euch

euch auff das yhr nit sundiget / vnd ye-
mand sundiget / so haben wir eynen fur-
sprechen bey Gott / Ihesum Christum /
der gerecht ist / vnd der selb ist die versü-
nung fur vnser sünd / nicht alleyn aber
fur die vnser / sonder auch fur der gantz-
en welt.

Daran ist erschynen die liebe Gottes .1. Joh. 4.
das Gott seyn eyngelborenen son zc.

Beschlusred.

Darum wilche eyn andern fursprech-
en suchen denn Christum / die werffen
von yhn die gnad Gottes / vnd verach-
ten Christum als wer er vergebens ge-
crentziget. Auch ist weyt eyn ander mey-
nung / mit Gott vnd mit den gewaltigen
auff erden / denn auff erdtreych vbertre-
ffen oft die knecht den **HERREN** ym
barmhertzigeyt. Aber Gott vbertrifft
weyt all Engel vnd heyligen mit barm-
hertzigeyt / vnd gunst zum menschliche
geschlecht. Wie David sagt. Deyn gütte
ist besser denn leben / meyne lippen sollen Psal. 63
dich preysen. Darumb acht nit gottlos
mit dem gemeynen hauffen / das wir

S ij durch

Durch die verdienst der heyligen mügen
eyngehen yns reych der hymel / so doch
alles leyden dieser welt / nicht gnugsam
vnd würdig ist / der zukünfftigen eher /
Röm. 8. die ynn vns offenbar wird. Vnd der ge-
recht kaum selig wird.

Nun sagt eyner also / es ist war das
.i. Pet. 2. Christus vnser fursprecher ist. Aber wyr
bedürffen eynes mitlers zu diesem mit-
ler / vnd ist vns keyner nützer denn Ma-
ria / wie Bernhardus sagt.

Abat. ii. Widder das laut kressftiglich / das
Christus sagt. Kompt her zu myr / alle
die yhr müheselig vnd beladen seyt / ich
will euch erquicken.

Ebre. 4. Wyr haben nit eyn hohen priester der
nicht künde mitleyden haben mit vnser
schwacheyt / Sonder der versucht ist al-
lenthalben / nach der gleichnis on sündt.
Darumb last vns hynzu tretten / mit freu-
digkeyt zum gnaden stul / auff das wyr
barmhertzigkeyt empfaben / vnd grad
finden auff die zeyt / wen vns hüfft not
seyn wird.

Die drit Beschlusred.

Die recht

Die recht mas vnd weys / anzuruffen Psalmo
die heyligen / ist Gott ynn yhn loben vñ 150.
anruffen. Wie David sagt. Lobet den
HERRN ynn seynem heyligthum /
Lobet yhn ynn der feste seyner sterck.

Denn aber loben wyr Gott ynn heyli Lobent
gen / wenn wyr ynn yhnen erzelet seyn Gott.
ehr / vnd verkünden die wunderbarliche
werck seyner hendt / die er ynn yhn ge-
wirckt hat vns zu nutz vnd guttem / vñ
yhn darumb dancken vnd preysen / als
vnserm gnedigem vater vnd schöpffer.
Wie Paulus sagt. Vnd sie lobten vnd Gala. 1.
preysten Gott ynn myr / als wolt er sa-
gen. Da sie verstunden vnd marckten die
grossen wunderwerck / die Gott durch
mich vnter den Heyden gewirckt hatt /
lobten sie Gott / der so gnediglych seyn
gnad erzeygt hat / vnd seyn Euangelisch
wort hat lassen scheynen durch mich vñ
ter den Heyden / vñ sie damit erleucht.

Gott aber anruffen ynn den heylig
gen / ist nichts anders den yhn ermanen
der gnad vnd barmhertzigkeit / die er er-
zeyt hat den heyligē / on allen verdienst

S iij vnd

vnd bitten / das er vns gleyche gnad nit
wol versagen / von wegen seyner Gött-
lichen zusagung / vnd nicht von wegen
vnser verdiensts / Wenn die gnad wird
nicht gebē aus den wercken / es wer sonst
nicht gnad.

Röm. II.

Also haben alle Ertzueter gebeten
vnd ermanet Gott der zusagung / die
er gethan hat / Abraham / Isaac vnd Ja-
cob / wilcher exempel das alte Testa-
ment gantz vol ist.

Die vierdt beschlusred.

Der heyligen sollen wir vns brauchē
zu eynem furbild vnd exempel / das ist /
wir sollen vns die heyligen furbilden /
vnd so bestendig verharren ynt eynem
festen glauben / vnd nemlich streyten /
widder / hell / fleysch / vnd sund / als sie
gestritten haben. Wie anzeygt wird /
Schawet an den ausgang ewer vorgem-
ter vnd folget yhrem glauben nach.

Ebre 13.

1. Cor. II.

Phil. 3.

Seyt meyne nachfolger / gleych wie
ich Christi.

Seyt meyne nachfolger brüder / vnd
betrachtet / die / also wandern / wie yhr
mich

mich habt zu eym furbild.

Ihr seyt meyne nachfolger worden / 1. Thess. 1
brüder / vnd des **HERRN**.

Ihr Brüder / yhr seyt nachfolger worden
der gemeynten Gottes.

Das ist yhe gewislich war / vnd eyn
theur werdes wort / das Christus Ihesus
kommen ist ynn die welt / die sunder
selig zu machen / vnter wülchē ich der für
nemest byn / Aber darumb ist myr barm-
hertzigkeyt widderfaren / auff dz an mir
surnemlich Ihesus Christus erzeygte als
le langmütigkeit zum exempel denen / die
an yhn gleuben solten zum ewigen lebē.
Aber Gott dem König der ewigkeyt / dem
vnuergenglichen vnd vsichbaren / vnd
alleyn weysen / sey ehr vnd preys
von ewigkeyt zu ewigkeyt.

A M E N.

[Faint, illegible text, likely bleed-through from the reverse side of the page]

[Faint text visible in the left margin, possibly a list or index]



50 180

X 2198279

AB 50 180

Ho-812.

Teil. 5 fecht

15.



